

ملك الزبالة و الزبالين

تأليف

السيد حافظ

المسرحية الكوميديا

ملك الزبالة

أو

الزبالين

تأليف : السيد حافظ .

الرؤيا الأولى ١٩٩٢

الفصل الأول

تنبيه وتحذير :

* حقوق المؤلف محفوظة - لا يحق لأي فرقة مسرحية هواة أو محترفين في مصر أو الوطن العربي تقديم هذه المسرحية الا بتصريح من المؤلف ولا يحق اعداد النص أو تحويله الى لهجة أخرى عربية أو اقتباسه الا بتصريح من المؤلف .

حقوق العرض المسرحي والنشر محفوظة للمؤلف المؤلف

عزيرى المشاهد

مسرحية ملك الزباله حدثت بالفعل .. وقائعها فى دمشق عام ٣٦٥ - ٣٧٣ هـ كما ذكرها د. شاكى مصطفى فى دراسته فى مجلة الآداب والتربية فى جامعة الكويت العدين الثالث والرابع يونيو وديسمبر ١٩٧٣ - ٢٢٣.

وكما ذكر بن الأثير ص ١٠ - ٢٠٥.

أهدى هذه المسرحية الى « الزبال » النبيل قسام التراب أو قنيم الزبال الذى حكم الشام لمدة سبع سنوات فنظف شوارعها وعدل بين الناس والغى الوزراء والأمرء والبىروقراطية فى الوقت الذى فشل فيه كل من العزيز الفاطمى فى مصر والخليفة العباسى فى بغداد وإمبراطور الروم .. وأمير القرامطة .. الى هذا الزبال الذى رفض أن ينام على الحرير وأن يسرق شعبه أو يسرق أمام عينه .

إلى تاريخنا العربى الجميل فى زمن حكم الزبالين .

(الى أخى الاديب النبيل دكتور رمضان حافظ الحالم

بعالم جميل)

المؤلف

السيد حافظ

المشهد الأول

يفتح الستار في المسرحية	
: في الفجر .. ضوء أزرق .. في عام ٢٦٥ هـ .	الزمان
: دمشق / إحدى الضواحي .. أكوام الزبالة كوخ بسيط يطل على الأكوام	المكان
يدخل زعتر يجد سعدا (زبالان قويان من رجال قسام التراب) ينظم في الزبالة .	
: بتعمل إيه يا سعد ؟	زعتر
: ح اكون بعمل إيه .. زى ما انت شايف .. بغرز زبالة الوالى والتجار والاغنياء .	سعد
: والفقراء .	زعتر
: سيبت لك زبالتهم .. أصل ريحيتها وحشة قوى .. يا أخى شئ غريب	سعد
الفقير فقير فى كل حاجة .. حتى زبالتة تلاقىها فقيرة .	
: اللى يسمعك كده يقول عليك غنى .	زعتر
: غنى النفس والحمد لله .	سعد
: لقيت فاكهة ورز ولحمه .	زعتر
: باقية خروف مشوى من زبالة سيدنا القاضى وباقية خروف مشوى ورز بالخلطة من زبالة الوالى .	سعد
: (يفتش فى زبالة الفقراء) دى زبالة عمك منصور صباغ الحمير .	زعتر
مافيهاش غير عيش معفن ... استغفر الله ... أسمع يا سعد زى ما قلنا المعلم قسام .. لو لقيتم حاجة تنفع للأكل فى زبالة الأغنياء أدوها للفقراء اللى زبالتهم يتصرخ .	
: من الزبالة تعرف البيوت .. حافظ أوامر المعلم قسام التراب يا واد يا	سعد
يا كنتش يا كنتش .. يا كنوش الزفت .	
: أيوه يا معلمى (يدخل) .	كنوش
: تعرف بيت عمك منصور صباغ الحمير ؟	سعد

كنوش	: عارفه .
سعد	: روح أديله دول وقوله المعلم قسام التراب بيسلم عليك .
زعتري	: بسرعة يا واد .
كنوش	: حاضر (يجرى وهو يحمل اللفه) .
زبيده	: اعملى شاي يا مريم وتعالى (من خارج المسرح) .
مريم	: حاضر يمه .
زبيده	: وصحى اخوكى وليد احسن تروح عليه نومه زى أمبارح .
مريم	: (من الخارج) حاضر يمه .
زبيده	: (تظهر على المسرح) صباح الخير يا سعد .. صباح الخير يا زعتري .
سعد	: صباح النور يا أم مريم يا أجدع ست فى الشام .
زبيده	: والنبي الشام مليانه ستات جدعان بس الزمان خوان يا سعد .
زعتري	: هو فين المعلم قسام ؟
زبيده	: زمانه جاي .. خلصت الشغل اللي عندك يا سعد ؟
سعد	: فرزنا الزبالة زى ما قال المعلم قسام وشيلنا الحاجات اللي تنفع من زبالة الأغنياء ووزعناها على الفقراء زى ما قال .
زعتري	: كله تمام يا أم وليد .. اول مره نشوف ملك الرجال قسام التراب يدى من زبالة الأغنياء للفقراء .
زبيده	: لو كان بايده .
سعد	: بايده لو يشاور عم قسام التراب لننهب قصور الأغنياء لكن هو بيقول المال الحرام بياخذ الحلال فى سكتة واحنا معاه فى فكرته .
رجل ٢	: (يدخل) أيوه يا معلم سعد وزعت اللي قلت عليه .
	(يدخل شرطيان)
شرطى ١	: فين قسام التراب ؟
زبيده	: قول صباح الخير الأول .. اتو البيوت من ابوابها مش فين قسام التراب؟
شرطى ٢	: جرى ايه يا زبيده جوزك فين ؟
زبيده	: شوف يا خويا اللفظ سعد .. أنا اسمى أم وليد والمعلم اسمه أبو وليد

- واسمه الحقيقي أبو الرجال .. ملك الرجال .. مش فين قسام التراب يا زبيده .. جتك كويه وكبييه .
- سعد : يا فتاح يا عليم على الصبح (يشمر عن ساعديه) .
- زعتري : فيه ايه علشان عايزين المعلم قسام ؟
- شرطى ١ : فيه ضرايب عليه .
- زبيده : (تصرخ) ضرايب عليه .. يالهو .. هو بيتاجر فى الذهب والا فى الماس دا بيعتغل فى الزبالة والتراب .
- شرطى ٢ : برضه عليه ضرايب .
- سعد : عملتوا ضرايب على التجار ماشى .. الذهب والفضه ماشى .
- زعتري : ضرايب على التجارة اللى داخله واللى خارجه من البلد ماشى .
- زبيده : ضرايب على الزبالين .
- شرطى ٢ : جوزك قسام التراب شيخ الزبالين .. معلم الزبالين يدفع على كل زبالها يشيلها سحتوت .
- زبيده : أن شاء الله تموت .. قال سحتوت قال .
- شرطى ٢ : فين قسام التراب يا أم وليد خلصينا .
- زعتري : انتوا بتهزروا يا عساكر اكيد .. ضرايب ايه اللى على الزبالين ؟
- منصور : يا ناس (يدخل وخلفه شرطى) يا ناس الحقونى .
- زعتري : وهو يدفع ليه .. هو بياخد من اللى عايز يصبغ .
- شرطى ٤ : حتدفع الضرايب يعنى حتدفع الضرايب يا مبالغ الحميز .
- منصور : منين ؟
- شرطى ٤ : ياخذ من كل زبون زياده ويدفع للديوان .
- زعتري : يا ناس دا كلام ضرائب على الصباغين كمان .
- شرطى ٣ : ما تتفلسفش يا طويل اللسان .
- سعد : لم لسانك يا عسكرى السلطان .
- منصور : الحقونى يا ناس انا دفعت ضرايب للعطار على الصبغة قالى دى ضرايب .
- جديده على صبغة بدينار تدفع سحتوت للسلطان دفعت ... جايبين

- دلوقت يقولولى اذفع سحتوت على كل حمار لينا ولمه من كل حمار
بيصبع حماره .
- مريم : (تدخل تحمل صينييه الشاى ، الشاى يا امه) تفاجاء برجال الشرطة ،
فيه ايه على الصبح .. عسكر يا فتاح يا عليم .. يا رزاق يا كريم عايزين
ايه ؟
- زبيده : عايزين ضرايب على الزبالين .
سعد : عاملين ضرايب على الزبالة والتراب ؟
- مريم : ابويا فين ؟
شرطلى ء : (لمنصور) مشى قدامى يا مياغ الحمير ما دام مش حتدفع تتسجن .
سعد : المعلم وصل .. المعلم قسام التراب وصل .
زبيده : مد شويه يا معلم .. مد يا خويا .
زعتري : يا رب سترك وجيب العواقب سليمه .
منصور : الحقنى يا معلم قسام .
- شرطلى ء : (يضحك) .
سعد : بتضحك على ايه (للشرطلى) .
شرطلى ء : بيتقول الحقنى يا معلم قسام كانه امير او سلطان .
- سعد : دا ملك الرجال .
شرطلى ء : دا زبال .
سعد : بيتقولك ملك الرجال وظيفته زبال وتراب .
قسام : (يدخل رجل ذو شخصية قوية حوله مجموعة من الصبيان يتحفزون
للشجار) .
- منصور : الحقنى يا معلم قسام .. انا فى عرضك . (يجرى ويحتفى خلف قسام)
قسام : سيبوه .
شرطلى ء : ايه سيبوه دى بقى حتدفع نيابة عنه .
قسام : اذفع ايه ؟
مريم : ما سمعتش قال ايه عاملين ضرايب على الزبالين .

- « ينفجر الجميع في الضحك » .
- قسام : بتضحكوا على النكتة حلوة مش كده .
- زبيده : دى مش نكتة .. دى حقيقة .
- قسام : حقيقة .. حقيقة ايه ؟ عايزين ضرايب على الزبالين .
- شرطى : عايزين سحتوت على كل قفة زبالة بتنقلها يا قسام .
- قسام : « يضحك ويضحك الجميع معه » بس « يصمت الجميع » مين اللى قال الكلام الفارغ دا ؟
- شرطى ٣ : القاضى ؟
- قسام : بتقولوا ايه ؟ وقاضى ايه ؟ .. قاضى مين ؟
- شرطى ٢ : بقى انت مش عارف قاضى مين .. قاضى دمشق .
- قسام : والله دمشق فيها قاضى .. « يضحك .. يضحكون » .
- شرطى ١ : لم الدور يا قسام .
- غسان : الحقونى يا ناس .. الحقنى يا قسام .
- شرطى ٣ : مد قدامى يا عجوز يا طويل اللسان .
- غسان : منكم لله ضرايب جديدة حتودونى فى داهيه .
- قسام : الله الله انتم هايجين على الناس ضرايب ضرايب هى خزانة السلطان فاضيه والا ايه ؟
- شرطى ٣ : لم لسانك يا قسام .
- غسان : هو كل شويه ضرايب على الغلبانين كفاية بقى حرام عليكم .
- شرطى ٢ : بقولك ايه يا قسام خلى رجالتك يسيبونا ويلموا الدور .. ومالكش دعوه بالضرائب والمصايب .. الوالى والى والوزير وزير والقاضى قاضى والزبال زبال .
- قسام : يا طويل اللسان .. يا كلب الاعيان علموه الادب لما يكلم الرجال ازاي يبقى اديب وللرجال حسيب ويقدر وزن الرجال مش بالذهب والمال لكن يقدر الرجال بالشرف .
- زبيده : « لقسام » بقولك ايه بلاش تطول وتطول .

- غسان : انا مش ح ادفع الضرائب والاتاوه .. انا طول النهار قاعد فى البستان كل شويه هات فاكهة للوزير فلان وفاكهة للامير فلان .. وهات فاكهة للعسكر .. وهات فاكهة للوالى بيسكر .. وهات وهات زهقت طهقت مش ح ادفع .. ادفع فاكهة بس .. فاكهة وبس ومش ح ادفع تانى .
- الزباليين : عاش عم غسان .. عاش .
- قسام : اجدع فكهانى فى الشام عم غسان .. انسان قلبه الطيب لينا بستان اجدع فكهانى .. شهم وراجل وعجوز انما حليم .
- شرطى ٣ : قسام انت بتلعب بالنار .
- قسام : دى العيشه فى ذل عيشه مرار .. العب بالنار .. العب بالنار .. اصلى تراب .. النار تجيبنى احط عليها تراب .
- قسام : « يجذب سعد بعيدا » ايه رايك يا سعد ؟ .. انت دراعى وطول عمرى عاملك عينى على الولاد الشغالين تراقبهم وتخلى بالك منهم لحد يسرق بيت ويشوة سمعه الزباليين .. وكنت دايمآ امين على البيوت .
- سعد : شوف يا معلمى علمتنا لما نلم وساخة الناس نحميمهم من العرض ونصون كرامتهم لكن دول زودوها نشيل زباله وكمان ندفع لهم يبقا لا ... دا كل اهل الشام غلابه واحنا ممكن نضربهم ونخرب بيتهم دى عساكر ورق ارزقيه .
- قسام : « يترك المعلم سعد ويمسك زعتر » تعالى يا زعتر .
- زعتر : امرك يا معلم .
- قسام : ايه رايك فى الكلام دا اللى بيقول سعد ؟ .. بيقول نضربهم ونادبهم .
- زعتر : انا شايف اتنا ندفع النهاردة ومن بكرة مانشيلش الزباله يوم اتنين ثلاثة ان شاء الله شهر وهما اللى حيجوننا ويبوسوا ايدينا شيلوا الزباله فنقولهم يدفعولنا .. لكن ضرب وخبط احنا ممكن نفلهم بس احنا نربيههم بالادب .
- قسام : طول عمرك عقلك تمام وبتحكم الكلام بالميزان وتحكم بين الصبيان .
- مريم : ابويا حر مش دافع .
- سعد : بقولكم ايه يا عسكر القاضى كل واحد ياخذ اخوة من ايده احسن يتوة

ويتوكل على الله .

شرطى ٤ : عايزين منك سبع دينار ومن منصور ٣ دينار وناخد فاكهة من البستان بدل المال يعنى تتعاون مع الناس .

قسام : تعالى يا زبيدة .. أسكت ياسعد .

زبيدة : أيوه ياخويا .

قسام : (هامسا) هاتى من عندك عشر دنانير اديهم لهم .

زبيدة : بتقول أيه ؟

قسام : اعملى اللى بقولك عليه .

زبيدة : حاضر (تخرج من صدرها كيس نقود وتعد عشر دنانير ذهبية) عشر دنانير .

قسام : خد يابنى من خالتك زبيدة عشر دنانير ... سبع دنانير علينا ... و ثلاثة لعمك منصور وقول لعمك القاضى دول اللى معايا تحويشة عمرى ومن بكره ، انا والرجاله مش حنشيل زباله من قدام اى دار .. وخلقى الزباله قدام كل دار وخليها .. إحنا قسام التراب سيد الرجال كلنا مغيث شيل زباله ولا تنظيف التراب ولا تقسيم التراب من بيوت الأعيان والأمراء والقضاء والعسكر والعسس وكل الناس لحد ما تتشال الضرايب والإتاوه من على الغلابه . (تزعرد مريم وزبيده)

مريم : يا فرحتى يا أبه .. عملتلنا قيمه .. عملت للناس الغلابه قيمه بلا ضرايب .. بلا خرايب ..

(يخرج رجال الشرطه ومعهم النقود وظلام على المسرح ...)

(المشهد الثانى)

الزمان : بعد مرور ثلاثة أيام .

- سعد : أفيه .. أفيه .. أفيه (يضحك) تلت تيام بس ما شيلناش الزباله والعسكر وشهنذر التجار والأعيان والأمراء أفيه .. أفيه .
- زعتري : أهو دا الأدب من غير ضرب وخطب يا سعد .
- سعد : يا زعتري يا خويا .. دول عساكر ورق واكلىن تفاح .. لابسين حرير وحاططين طرايطير على دماغهم وسيوف متلمعه وهدوم متشمعه كله فى الهواء .
- زعتري : ساعات العقل يبقى زينه والدرع يبقى خيبه .
- سعد : وساعات العقل يبقى خيبه والدرع زينه .
- زعتري : ساعات وساعات .. أفيه .. أفيه .
- سعد : هو المعلم فين ؟
- مريم : (تظهر تحمل شاي) صباح الخير يا رجاله .
- سعد : صباح النور على البنور أزيك يا مريم .
- مريم : (دون إهتمام) أزيك يا سعد .
- زعتري : المعلم صحا أكيد مادام عملتى الشاي .
- مريم : صحا وقعد وفطر .
- قسام : (يظهر) صباح الخير يا رجاله .
- سعد : صباح الفل يا سيد الرجال .. سمعت آخر نكته .. أفيه أفيه كله ماشى وماسك منديل على مناخيريه .. أفيه أفيه .
- قسام : والناس عامله إيه ؟
- زعتري : الأغنياء بيصرخوا فى الزبالين .. فين الزبالين .. أفيه أفيه .
- قسام : والفقراء .
- سعد : متعودين على الريحه الوحشه فعمالين يضحكوا على الأغنياء .
- قسام : والضرايب .

زعر	: بيقولوا لسه بيجمعوها وعاملين إجتماعات على طول فى بيت الوالى .
زعر	: والقاضى .
مريم	: أنا خايفه عليك يا ايه .
قسام	: ما تخفيش يا مريم .. الخوف بيدبح الرجال ويشوه الجنين فى بطن أمه ربنا معانا والحق معانا .
زبيده	: (تظهر) ما تخفيش يا مريم على أبوكى دا أبو الرجال .
سعد	: هو وليد فين ؟
قسام	: وليد بعته لحد حلب يشوف لنا موضوع أبو الزناتى .
زبيده	: الراجل دا ما بيتبلعش من زور .. وبعته فى إيه بقى ؟
قسام	: لازم الشام كلها تبقى يد واحده مفيش شيل زباله فى دمشق وكل الشام
زبيده	: ياخويا خلينا فى دمشق .. إنت عايز الشام كلها ليه ؟
قسام	: ما هو أنا شيخ زبالين الشام وإلى أقوله هنا لازم يبقى فى كل مكان .
مريم	: صح يا ايه هو دا الكلام .
سعد	: يعنى وليد سافر حلب ؟
قسام	: وزمانه جاى .
وليد	: (من الخارج) يا سيد الرجال يا عم قسام .
قسام	: دا صوت وليد .
زبيده	: قال يا عم قسام .. قول يا ايه .
مريم	: ما إنتى عارفه يمه وليد يحب يضحك مع أبوه .
زبيده	: عملت إيه يا ولد ؟ .. مد قول .
وليد	: السلام عليكم .
الجميع	: وعليكم السلام .
قسام	: سبع ولا ضيع .
وليد	: أيوه يا ايه سبع بن سبع .
مريم	: جيت ليا إيه من حلب ؟
سعد	: عايزه إيه من حلب ؟ واجبهولك يا ست البنات .

مريم : مش عايزه حاجه يا سعد انا بسال اخويا .. إنت اخويا .
 قسام : سعد زى أخوكى .
 مريم : زى ... بس مش اخويا .
 سعد : ماشى الكلام .
 زبيده : هو أخوكى راح وجه من حلب على جناح يمامه .. مالحقش يجيب لك . ولا يجيب لنا حاجه .
 وليد : انا مارحتش حلب وأنا فى الطريق قابلت ابو الزناتى ومعاها ابو عيد وكانوا جايين يقولوا لك انهم سمعوا عن إالى حصل ومش حيشيلوا الزباله إلا لما تديهم الأوامر .
 قسام : هم جم معاك يا أهلا وسهلا بيهم .
 وليد : لا يا أبه رجعوا .. هما بلغونى ان حمص وحلب معاك كمان .
 مريم : أحلى كلام يا أبه .
 سعد : والله أحلى كلام .
 شهنذر التجار : (ينادى) يا قسام .. يا قسام .. أفيه أفيه .
 سعد : أفيه أفيه .
 قسام : دا صوت غريب ادخلوا يلا جوه الحريم يدخلوا جوه .
 زبيده : يلاحريم بلارجال خلىنا نسمع الكلام بدل ماتتصنت على الشباييك والبيبان .
 قسام : ماشى يا زبيده .. مين إالى بينادى .
 شهنذر التجار : انا شهنذر التجار أفيه أفيه .
 زعتر : أفيه عليك .
 قسام : تعالى يا شهنذر التجار .
 شهنذر التجار : (يدخل) السلام عليكم .. أفيه أفيه .
 الجميع : وعليكم السلام .
 شهنذر التجار : (يتجه نحو زعتر) إيه يا سى قسام؟.. إنت زعلان من الوالى والقاضى والعسكر طيب وأنا مالى انا بديلك دينار فى الشهر .
 ادليك دينارين فى الشهر .

قسام : اصل المشكله مش معاك .
 زعتر : مش انا سيد الرجال قسام .. اهو دا إللى بيكلمك (يشير إلى قسام)
 شهندر التجار : العتب على النظر إيه يا سى قسام مش عاجبك دينارين أديك فى
 الأسبوع دينار بس شيل الزباله من قدام بيتى .. الست مش عارفه
 تنام الاولاد كمان الكل تعبنا والولد عيان .. أرجوك انا ماليش دعوه
 بالوالى ولا القاضى .
 قسام : أرجوك إنت ادفع لهم كل أسبوع دينار وقولهم يشيلوا الضرايب من
 على الشعب الغلبان .
 شهندر التجار : انا بدفع كل يوم عشرين دينار غير كل حموله خارجه وجايه .
 قسام : وانا عند كلامى .
 شهندر التجار : انا وكل التجار نقدر ندفعلك كل يوم الضرايب بتاعتك بس تنضف
 قدام بيوتنا .
 زعتر : إيه رأيك انت تدفع لسكر المزين الفاطمى والوالى الفلوس ويشيلوا
 الزباله ؟
 شهندر التجار : إنت بتهزر يا خينا دا العساكر مليانه إيديها بالمطور .. قلت إيه يا
 قسام ؟
 قسام : انتم كبار البلد وبإيديكم تعدلوها .
 شهندر التجار : يعنى مغيث فايده من الكلام .
 قسام : الضرايب تتشال .. إحنا نشيل الزباله .
 شهندر التجار : طيب يا قسام .. طيب .. أفيه أفيه . (يخرج ويضحكون)
 وليد : شيبى ولا فى الخيال .
 مريم : شهندر التجار كبير الأعيان يجى لحدنا .
 زبيده : هنا قدام قسام .. سيد الرجال .
 سعد : يا سلام على الزمن يا ولاد قد إيه الواحد يحس بقيمته .
 زعتر : العقل يا سعد .

(تغيير إضاءة)

(مشهد الثالث)

- المكان : نفس المكان .
الزمان : بعد اسبوع .
(ضوضاء على المسرح .. إرتباك ظهور الشرطه فى كل مكان على المسرح)
قائد الشرطه : قسام التراب .
قسام : أين قسام التراب « يقلده » ؟
قائد الشرطه : انت منعت الزبالين من تنفيذ الأوامر ودفع الضرائب وشيل الزباله .
قسام : أنا دفعت الضرائب ونفذت الأوامر ومش ح أقدر ادفع لأنى مش زى
عم غسان عندى فاكهه .. تاخدوه زباله بدل الضرائب . والا تاخدوا
مقاشات .
عم غسان : « يدخل الجنود » يا قائد الشرطه كل واحد بياخذ قفه علشان
زياده عن الضرائب سمسرة .
قائد الشرطه : أخرس إنت .. جاى دورك يا عجوز .
مريم : عيب عليك يا قائد الشرطه لما تسب راجل عجوز .
قائد الشرطه : وإنت مين يا صبيه بنت غسان .
مريم : عم غسان زى أبويا .. أنا أبويا شایل وساختكم ومن غيره تعفنوا أنا
أبويا يغييب الدنيا تبقى مالهاش أى قيمه .. زبال .. أنا أبويا قسام
التراب .
قائد الشرطه : يا سلام .. خلفت يا قسام .. بنت جميلة القوام وجميلة اللسان .
زبيده : خمسه وخميسه فى عينيك . خمسه وخميسه عليك .
بخروها بنتى دى بخروها . من عين حاسد حاسود .
قائد الشرطه : يا قسام انت مقبوض عليك .. انت اعلنت التمرد والعصيان .
القاضى : « يدخل » ايوه أنا معايا امر بالقبض على غسان التراب .
قسام : غسان التراب ولا قسام التراب .
القاضى : « ينظر فى الورقه » قسام والا غسان .. قسام .. قسام التراب .

- « يضحكون » هو فين ؟ « نظره ضعيف » .
- قسام : انا ايه .
- القاضى : انت إالى سبت الزباله قدام البيوت وخليت المدينه كريهه .. دمشق إالى ريحتها فواكه وعطور يبقى ريحته عطن وعفن آه لو إيدى تطول رقيتك .. تمرد وعصيان وإضراب كمان .
- القاضى : يا قائد الشرطه أقبض عليه .
- وليد : ما حدش يقدر يقبض على أبويا ؟
- مريم : تنكسر إيد إالى يمد إيده .
- زبيده : قبل ما تخذوه حتخدونا معاه .. كلنا كل الزباليين .. كل الزباليين فى دمشق .
- قائد الشرطه : الله دا تمرد ؟!
- القاضى : والتمرد عقوبته الأعدام والجلد والسجن كمان .
- قسام : لا حتقبض عليا ولا حتمدنى ولا حتجلدنى ولا اى حاجه .. كل دا كلا فشذك لما تبقى قدام قسام التراب يبقى تحاسب على الكلام .
- قائد الشرطه : دا تهديد .
- سعد : « لقائد الشرطه » الراجل دا أيده طرشه .. قلبه قاسى .. من قصيره خد رجالك يا حبيبى والسلامه فى طريقك .
- قائد الشرطه : دا إنذار يا ولد .. بتهددنى .
- القاضى : الأنذار عقوبته غرامه ميت دينار .
- قائد الشرطه : حا تسلم نفسك من غير دوشه ومن غير كلام .
- القاضى : وتنصف قدام دار القضاء وتنصف التراب .
- قسام : إحنا قسام التراب قلنا من اسبوع ممنوع تنظيف بيت الوالى والوزير والعسكر لحد ما ترفع الضرايب .
- القاضى : ياه دا انت دخلت فى مصيبة المصايب .. الضرايب .. الضرايب امر هام .. والعزيز الفاطمى فى القاهره مستنى الجايه والذى منه على الأبواب . الدوله بتمشى من الضرايب .

- وليد : « ينادى ، يا رجال قسام يا رجال الشام امسكوا ارواحكم فى ايو
وسلاحكم فى ايد .. ضمموا كل الشام .. حلب .. حماه .. ادلب ..
حمص .. دمشق .. السويداء .. دير الزور .. الرقة .. بيروت ..
طرابلس كلكم يد واحده وقلب واحد ويا قسام التراب ..
سعد : « لقائد الشرطة ، باقولك ايه ؟ .. لم رجالك من قصيره .
زعتر : « للقاضى ، يا عم القاضى نضف دارك ودار القضاء .. وخلي
الموضوع يعدى على خير .
القاضى : انا اشيل الزباله .
سعد : وماله .
القاضى : انا قاضى .
زعتر : وقاضى .
مريم : يا امه يا امه خايفه على ابويا ليسجنوه ويحبسوه ويشردونا .
زبيده : انا ابوكى ما تخفيش .
قائد الشرطة : بتك وابنتك حايتهدلوا لو ماجتش معانا .
قسام : الكلام غير الافعال .. ايه رايك تنزلى نزال الرجال .. راجل لراجل كف
بكف واللى يغلب يحكم على الثانى باى حاجه .
سعد : « يصفق رجال قسام يفرح ، تمام .
وليد : ايوه ياللا يا قائد العسكر .
زعتر : وانت فايق .. لا تعبنا ولا سكران ولا جعان .. ياللا يا فارس
الفرسان يا قائد العسكر .
« قائد الشرطة يرتبك »
قسام : والقاضى ما بينا يحكم .. راجل لراجل يد ليد .
القاضى : انا ماليش فى الكلام دا ؟
زبيده : ليك فى ايه يا حسره كل اسبوع لك جوازه بنت حلوه وعليها تاخذ
كيسين ذهب وتتشرف بالنسب والبنات يا خساره تتجوز ليله وتطلق
من تانى ليله .. ويبقى محكوم عليها ماتتجوزش تانى لاجل تاخذ

معونه بيت المال فى كل شهر جزيه .	
: الكلام دا عيب يا زييده .	القاضى
: يا مصيبتى الراجل عارف اسمى .	زييده
: يمكن نبقى نسايب يا زييده .	القاضى
: نسايب .	زييده
: آه والله مريم بنت حلوه قوى .. هما قالولى .. بس انا شايفها احلى والله خلفتى يا زييده .	القاضى
: قطيعه .. اتجوزك انت يا كركوبه .	مريم
: ح اتجوزك حتى ولو خطفتك بدراعى .	القاضى
: شوف الراجل وعمايه .. انا مستعد انازلك نزال الرجال يا قاضى	سعد
القضاء على مريم .. بدراعى زى ما قلت لا خطف ولا يحزنون نزال	
: (يدخل) هى ايه الحكايه بالضبط فهمونا انتم جايين ليه وعاوزن ايه ؟	وليد
: شوف الراجل العجوز مناخيره قد الكوز وعاييز يتجوز يا اخى	زييده
جتك جنازة ، عندك كام سنه ؟	
: سبعين سنه بس يا زييده .. والرجال مش بالسن الرجال بالأفعال	القاضى
واسالى عنى النسوان يا زييده يا بنت ستيتيه .	
: تمام الرجال بالأفعال وانا موافق تنازل سعد على جواز مريم	قسام
: (الرجال الزباليين يصيحون) .	
: (يمسك سعد بعيدا) اسمع يا سعد .	القاضى
: ايوه .	سعد
: انا ح انازلك كده وكده وانت تتهزم واديك الف دينار .	القاضى
: بس ؟	سعد
: وحصان .	القاضى
: بس ؟	سعد
: وحصار .	القاضى
: بس ؟	سعد

القاضى	: وجمل .
سعد	: بس ؟
القاضى	: وجاريه روميه .
سعد	: بس ؟
القاضى	: باقولك ايه مفيش حاجه تانيه تتركب كنت عطيتها لك .. كل الركوب دا فى الحلال يا ولد مش فى الحرام وانا بحب الحلال .
سعد	: ايه . انت مش معقول ؟
القاضى	: قلت ايه ؟
سعد	: موافق .. يا رجال .. إتفقنا إالى يتهزم يسلم مش كده يا قاضى .
القاضى	: تمام .. إتفقنا على دا الكلام .
المجموعه	: أيوه .
سعد	: النزال لأجل مريم .
مريم	: يا ايه معقول الكلام دا .
قسام	: ماتخفيش على سعد .. انت ليه وهو ليكى .
	د يصفق الرجال تصفيقه خاصه بهم)
	د يحدث النزال .. يحاول القاضى أن يقدم حركه ويصفع سعد لكن سعد ينازله بضربه واحده فيسقط .. فيصفق الجميع)
القاضى	: ولد يا سعد ما إتفقناش على كده .. د يقف القاضى ، د سعد يضربه مره أخرى .
القاضى	: الحكايه دى وراها حكم بالأعدام على سعد لانه تعدى على القاضى .
قائد الشرطه	: اثناء تادية وظيفته .
قسام	: تحب النزال تانى يا قاضى .
القاضى	: أيوه د يمسك شرطى جانباً ، يا منصور لو غلبنى .. لو غلبنى .. سامع خلى بالك لو غلبنى قبل ما انزل على الأرض إلحقنى وأطعنه .. اقتله يبقى مات اثناء مقاومته للشرطه .
سعد	: ياللا .

« يصفق الرجال بشده تصفيقه مميزه » « ينزل القاضي مع سعد ..
عندما يهزم القاضي يحاول منصور الشرطى طعن سعد .. فيفاجأ
بوليد وزعتر يمسان به بعيدا حتى يهزم تماما ويسقط » .
سعد : هزمتك .. هزمتك .. مريم ليا .. مريم احلى مبيه .
القاضى : بالخيانة .. أوعى سيني .. يا رجال امسكهم كلهم .. امسكوا البنت
دهيه .
قائد الشرطه : حتشيل الزباله دلوقت فى الحال يا قسام وتدفع الضرايب والا
حنسجتك انت وعيالك ورجالك فى الحال .
قسام : دا كلام فاضى .. اضربوهم يا رجال ..
قائد الشرطه : اقبطوا عليهم يا رجال .
« عندئذ يتحول المسرح إلى معركة ينتصر رجال قسام التراب على
رجال الشرطه ويهرب القاضى والجميع » .

« ضوء بلاك أوت - ظلام »
« يمكن استخدام الفلاش فى المعركة »

(المشهد الرابع)

(المتاريس فى كل ارجاء المسرح حول البيت)
(كل الرجال يحملون اسلحة مكانس .. وبعض السيوف وحجارة وقفف)

مريم : (تدخل تحمل أكواب الشاى للرجال .. تصل عند سعد) الشاى يا سعد
سعد : تسلم ايدك يا مريم (يرتشف رشفة) تسلم ايدك اما كباية شاى
انما ايه .
مريم : ايه .. بقولك ايه يا سعد ؟ .. انسى الكلام اللى قلته للقاضى .
سعد : (يبتسم) انا كسبتك بدراعى ومستعد افديكى بروحى يا مريم بس
ما تتجوزيش القاضى الفاضى .
مريم : (تضحك) انت ايه اللى عملته فى القاضى يا سعد ؟
سعد : ما عملتش حاجة يا مريم .. ضربته .
مريم : حد يضرب القاضى يا سعد .
سعد : علشانك يا مريم .
مريم : قولى يا سعد .
سعد : عيون سعد .. روح سعد .
مريم : هو القاضى لما خدك على جنب قالك ايه .
سعد : قالى ح اديك الف دينار وبيت وحصان وحمار وجمل وجاريه روميه .
مريم : حديدك كل دا .
سعد : علشان يغلبنى قدام الناس وياخدك .
مريم : وانت سبت كل دا ليه ؟
سعد : علشانك يا مريم .
مريم : والجاريه الروميه افرض انها اجمل منى ؟
سعد : مفيش اجمل منك لا رومية ولا هندية .
مريم : افرض ان القلب مش معاك ؟

سعد	: مش مهم المهم ما يخدوكش منى .
مريم	: مين ؟
سعد	: اى حد .
مريم	: يعنى الجواز بالمافية .
سعد	: لا
مريم	: ولو اتجوزت غيرك .
سعد	: اموت اثنين من عسكر العزيز الفاطمى واقتل نفسى .
	(يضحكان .. تسير هي فى اتجاه الرجال)
قسام	: (يتحدث مع زعتر) بعث مراسيل لجبل طرقة والزابدان تطلب كل الزعار والحرافيش تطلب معونة الزبالين والعيارين .
زعتر	: وبعثوا رجال وقطعوا الطرق على رجال الوالى وعسكر العزيز الفاطمى .
كنش	: (يدخل وقد ارتدى سلسلة فى رقبته ذهبية) سلام يا ملك الرجال .
قسام	: ايه الاخبار يا كنش .
كنش	: كله تمام .
زعتر	: ايه اللى فى رقبته دا يا كنش ؟
كنش	: دى سلسلة ذهب لقيتها فى رقبة عسكرى من عساكر العزيز الفاطمى .
قسام	: بتقول ايه يا كنش ؟
كنش	: انت زعلت والا ايه يا معلمى ؟
قسام	: امال عايزنى ازغرت والا اتحزم وارقمص واقول رجالتى لبسوا سلاسل ذهب زى الحريم .
كنش	: ما هو كل الامراء والاعيان لابسين سلاسل ذهب .
قسام	: احنا مش لصوص زيهم .
زعتر	: اهدى امال يا سيد الرجال .
زبيدة	: اخلع يا ولد السلسلة .
كنش	: الله الله ما تقولوا انتم عايزين السلسلة ويلاش الشتيمة فيا .
زعتر	: السلسلة دى حتتباع حا نجيب لنا بيها سلاح يا كنش واكل لانتا

محتاجين سلاح واكل .	
: كده .. طيب .. انا جدع برضه وافهمها وهى طائيرة .. ح انصرف	كنش
واجيب لكم سلاح واكل واييع السلسلة ولا تزعل منى يا ملك الرجال ..	
عن اذنكم (يخرج) .	
: مالك يا قسام ؟	زبيدة
: انا خايف يا زبيدة .. خايف على رجلى ليلبسوا الحرير ويبقوا زى	قسام
الامراء الاعيان ورجاله ورقق ويتصرفوا تصرفات صغيرة زى اللى شفتيها	
يضيعو .	
: بعد الشر .. بعد الشر .. زعتر يخلى باله .	زبيدة
: يا ملك الرجال انت طول عمرك محكمنى عليهم .. ومخلينى احكم	زعتر
بين الزبالين .	
: خايف عليك لما تشوفهم بسلاسل الذهب يختل ميزانك .	قسام
: ولا مال قارون يخلينى اختل .	زعتر
: (يدخل على المسرح يجرى) يا ابيه يا ابيه .	وليد
: خير يا وليد ؟	قسام
: الوالى جاى ومعااه الف جندى .	وليد
: الف جندى مش مهم .	قسام
: وباعت مرسال .	وليد
: مين ؟	قسام
: اتنين عساكر شايلين علم ابيض ومعااه القاضى .	وليد
: اتفاوض معااه .	زعتر
: اوعك يا ابيه تنزل راسك ؟	مريم
: فشر .	زبيدة
: خليه ييجوا يا وليد .	قسام
: اتفضلوا يا رسل العزيز الفاطمى .	وليد
: (يدخل ومعه الحرس وهو يحمل علم ابيض ورالة جلد) ينظر	القاضى

- يجد مريم) ازيك يا مريم .
- قسام : اتكلم يا رسول العزيز الفاطمى .
- القاضى : من العزيز الفاطمى الى قسام التراب سلم تسلم والا .. العزيز الفاطمى (يمزق الرسالة) .
- قسام : يتعمل ايه بتقطع الرسالة ؟
- القاضى : دى التعليمات تنقطع الرسالة بعد القراءة علشان ما ييقاش لك تاريخ يا قسام .. احسن يكتبوا ان فى يوم من الايام بعث العزيز الفاطمى لزبال رسالة ازيك يا ست ام مريم وازاى المحروسة .
- زعتري : الرد يا ملك الرجال .
- قسام : يا سعد بيتقولوا ان العزيز الفاطمى خايف ان الزبال قسام يدخل التاريخ .
- سعد : ما هو داخل التاريخ ومدل دل رجله يا قاضى .. الوالى فين ؟
- القاضى : الوالى هناك .. اسمع يا قسام سلم نفسك للجنود انت واولادك حنخدكم فى الحديد فى ايديك ورجليك وتلف بيبك لفة فى شوارع الشام وتسافر للقاهرة بدل ما الجيش يدخل فى معركة والبنت المسكينة مريم تنجرح .
- مريم : ما لكش دعوة انجرح والا اموت حتى .
- قسام : قدامكم لحد عشرة ح اعد وبعدها ندخل الحرب .. ذراع بذراع .. وسيف بسيف .. وراجل لراجل .. واحد .
- القاضى : يا قسام .
- قسام : اتنين .
- القاضى : حتخسر كل الرجال .. طيب ابعدوا مريم عن المعركة .
- قسام : ثلاثة .
- القاضى : يا قسام بلاش معاندة .
- قسام : اربعة .
- وليد : استعدوا يا رجال .
- قسام : خمسة .

القاضي : يا بنى .. يا زبيدة كلمى جوزك .
قسام : ستة .
سعد : كله يحمل سلاحه .
قسام : سبعة .
القاضي : (يجرى) استعدوا يا جنود .
قسام : ثمانية .
القاضي : السلاح يا رجال (من الخارج) .
قسام : تسعة .
قائد الشرطة : استعدوا يا رجال لهجوم على قسام .
قسام : عشرة .
(تحدث معركة شرسة بين رجال قسام ورجال العزيز الفاطمي وتنتهى بانتصار رجال قسام)

(ستار)

(المشهد الخامس)

(يفتح الستار على قصر الوالى فى دمشق وقد ربطت ايدى الوالى فى
حبلى والقاضى ورئيس الشرطة) (وقد وقف الزبالون يحملون السلاح
بدلاً من الشرطة) (وقسام يجلس على كرسى الوالى) (قسام
يمسك السوط فى يده ويضرب فى الهواء)
قسام : هو دا الكرياك اللى كنت بتضرب بيه .. مش كده يا والى دمشق؟
(يضرب الهواء)
الوالى : اى .. اى ..
قسام : يا راجل عيب هو انا ضربتك .. انا بهوشك .. دا انت والى لازم تكون
جامد .
الوالى : شوف يا قسام .
وليد : قول عمى قسام يا طويل اللسان .
زبيدة : ايوه قول يا ملك الرجال .
القاضى : ملك الرجال .. دا غلط .. مفيش الا ملك واحد .. خليفة واحد وامير
واحد هو العزيز الفاطمى .
مريم : يا سلام يا خويا .. امال ابويا دا يطلع ايه ؟
وليد : هزمناكم وفرجنا التاريخ عليكم .
زبيدة : ضربناكم وعساكركم الورق وقعت وباشت .
قسام : بطلوا كتر كلام انت وهى وهى وهو .
سعد : لما يتكلم عمى قسام يحلا الكلام والسلام اتفضل .
قسام : يا متولى .. يا متولى .. (يقصد الوالى) يا متولى .
الوالى : نعم .. متولى كده حاف من غير القاب .
القاضى : اسمع يا قسام .. اعدل الميزان الوالى والى .. والزبال زبال .
قسام : يا سلام .. بامارة ايه يا عرفان يا قاضى يا فسدان .. انا حاكم الشام
ومفيش كلام .

الوالى	: العزيز الفاطمى .. حيزعل .
زبيدة	: يا امه خوفتنى يا خويا بالعزيز الفاطمى .
مريم	: خوفتنا بالعزيز الفاطمى .. العزيز الفاطمى عليكم انتم .
وليد	: وابويا هزمكم وهزم عسكر العزيز الفاطمى .
الوالى	: يا ناس سيبونى انا وقسام اتكلم معاه كلمة رجال لوحدنا .. ارجوكم .
القاضى	: وانا عايز اكله فى موضوع مهم جدا يهمنى انا مريم على انفراد .
قسام	: ما بوزش الحكم فى الدنيا الا الكلام اللى على انفراد يا اما خيانه يا اما دسيصة .. يا اما خديعة .. مش كده يا متولى .. مش كده يا قاضى .
سعد	: جرى ايه يا قاضى وانا مالى ؟
الوالى	: ادينى فرصة اتفاهم معاك يا معلم قسام يا ملك الرجال .
قسام	: سيبونى كلکم انا ومتولى نتكلم شوية .
زعتري	: انصراف .. كله ينصرف يا جماعة .. (ينصرف الجميع من على المسرح)
الوالى	: (يظل الوالى وقسام) قسام .
قسام	: ايوه يا متولى .
الوالى	: انا الوالى مش متولى يا قسام .. اعدل الكلام علشان يتعدل الميزان .
قسام	: وانا ملك الرجال قسام .. وانت اسعك الحقيقى متولى .
الوالى	: مش مهم انا ... اسمع العزيز الفاطمى حيزعل ومش حيعدى الموضوع دا على خير .
قسام	: يا سلام .
الوالى	: آه والله .
قسام	: والنبى ايه .
الوالى	: آه والله .
قسام	: انت الوالى متولى بتشتغل عند العزيز الفاطمى صح ؟
الوالى	: صح .
قسام	: صح والا غلط .
الوالى	: صح .

- قسام : ما انت شاطر ايه .. خمسة وخمسة عليك .
- الوالى : انت بتهزر يا قسام .
- قسام : اهزر على كىفى بالذمة اللى انت جايهم دول عساكر والا تنابله السلطان ؟
- الوالى : انا مش قادر اصدق ان الزبالين هزمو العساكر المتدربين .
- قسام : الزبالين رجالة .. العسكر المتدلعين ماسكين سلاح زينة بيعملوا بيه ايه ؟
- الوالى : دلوقتى .. العزيز الفاطمى .. حيقلب الدنيا .. حيبت جيوش جيشنقوك
- قسام : العزيز الفاطمى مش حيقبضك اول الشهر دلوقت .. انا اللشى ح اقبضك ؟ انا بس .
- الوالى : لا
- قسام : ما احبش اشغل حد بيلاش .. ح اقبضك بس على قد شغلك بالمرتببات الجديدة .
- الوالى : ارحمنى وسفرنى للقاهرة عند العزيز الفاطمى ابوس ايدك .. سفرنى
- قسام : انت عايز تسافر عند الخليفة الفاطمى .
- الوالى : ابوس ايدك .. ادينى ايدك ابوسها .
- قسام : بوس (يقبل الوالى قسام) بوس .. خلاص .. انا بقى مش موافق على سفرك .. انا عايزك تشتغل معايا محتاجين لك شوية .
- الوالى : انا عايز اروح للعزيز الفاطمى فى القاهرة .
- قسام : انا قلت حتشتغل عندنا يعنى حتشتغل عندنا .. قلت حتشتغل .. تقرا لى الجوابات وتكتب لى الاوامر . سامع والا ح اسجنتك وابهدلك زى ما كنت بتعمل .
- زعتري : (يهمس) ابو حيان يا ملك الرجال .
- قسام : والله ابو حيان . ابو حيان مين .
- الوالى : ابو حيان مؤرخ الخليفة العباسى وكاتب الديوان .. الحمد لله .
- قسام : انت تعرفه ؟
- الوالى : دا اديب كبير وكاتب كبير .. دا احسن واحد يشتغل فى كتابة التاريخ

- والرسائل والجوابات خده يشتغل بدالى وانا اسافر عند العزيز الفاطمى .
- قسام : لا .. انت حتساعده .
- الوالى : ازاي ابان قدام الناس .. ازاي امشى واعيش زى اى واحد ؟
- قسام : يا سلام .. يعنى انت ابن تسع شهور والناس ولاد سبعة .
- الوالى : لا .. مش قصدى .
- قسام : شوف قدامك تلت حلول .. اول حاجة تشتغل زبال وتنضف حارة
- العطارين .. تانى شغلانه كاتب الملك والديوان تالت حاجة تشتغل معلم
- لولاد الزبالين تعلمهم القراءة والكتابة .
- الوالى : اه يانفوخى .
- زعتري : إختار وخلصنى مش قاضى لك عمنا الملك قسام .
- الوالى : مش عارف إختار ايه ؟
- قسام : نادى لى ابو حيان .
- زعتري : (بصوت مرتفع) يدخل ابوحيان .
- ابو حيان : (يدخل الرجل وهو فى الخمسين) السلام عليكم ورحمة الله وبركاته .
- قسام : اهلاً يا ابوحيان .
- الوالى : إزيك يا ابوحيان ... قولة يا ابوحيان ... دا انت مؤرخ الخليفة العباسى
- وعالم هذا الزمان ... ينفع لا مؤخدة زبال يبقى ملك الرجال ويقف
- قدام العزيز الفاطمى .
- قسام : ياسلام .. قولة يا ابوحيان قول لمتولى .. عنتر مش كان راعى غنم
- وبقى امير مش كدة يا ابوحيان .
- الوالى : بس ما بقاش ملك ولاسلطان .
- قسام : يا سلام .. امال كان ايه والى قولة يا ابو حيان .. فهمه حكاية عنتر .
- ابو حيان : مولاي قسام التراب التاريخ دايماً له احوال غريبة وعجيبة .
- قسام : مين اللى بيكتب التاريخ قولى ؟
- ابوحيان : المؤرخين .
- الوالى : زى ابوحيان كدة .

أبو حيان : صح .
 قسام : اكتب لى التاريخ بتاعى يا أبوحيان .. اكتب لنا .. الزبالين همزموا
 الجنود وحكموا البلاد .. اكتب يا أبو حيان .
 سعد : (يدخل) الشاى لملك الرجال معلما قسام التراب والحاج أبوحيان
 شوية شاى إنما أية تمام .
 قسام : حطيت نعناع يا واد يا سعد .
 سعد : نعناع طلازة .
 الولى : اكتب يا أبو حيان يامؤرخ الخليفة العباسى ... ناس داخله على السلطان
 كأنهم قاعدين فى حارة .
 قسام : فيها أية ؟ .. مش الوالى أو الملك إنسان .. قولة يا أبو حيان .
 أبو حيان : الحقيقة يا مولاي .
 قسام : ايه هى الحقيقة ؟
 أبو حيان : الحقيقة إن الملوك مش حيسمحوا بكتابة تاريخك مهما كان .. مهما
 كان ... مهما نجحت مهما حققت .. لو كنت تاجر لو كنت من الجنود
 والا الضباط كان ممكن لكن أسمح لى أقولك زبال مش ممكن .
 الوالى : أنا قلت الكلام دا . سامع يا سى حسان .
 أبو حيان : أنا جاى من عند الخليفة العباسى وأحنا بتايدك وتدعمك وجاييين لك
 هدايا علشان تحرر هذا البلد من الفاطميين وتعلن الولاء للعباسيين ..
 الهدايا . (يصفق .. يدخلون العبيد يحملون صناديق الهدايا المختلفة)
 سعد : يا حلاوة .. يا حلاوة ..
 زبيدة : (تدخل تحمل مبخرة) رقيتك واسترقيتك ياسى قسام التراب يا ملك
 الرجال
 زعتر : (ينظر للهدايا) ذهب ياقوت مرجان .
 قسام : ايه دا كلة .. اخذ دا كلة أعمل بية ايه ؟
 الولى : (هامسا فى أذن قسام) خدكم منة واشكرك ... هدايا الملوك لاترد .
 قسام : أنت شايف كدة .

الوالى : ليوه .
قسام : شوف يا ابو حيان ... انا مش محتاج للمال ولا للمجوهرات ولا للمرجان .. اعمل بية ايه ؟
الوالى : يا قسام ... قصدى ياملك الرجال ... الحكاية .
قسام : اسمع ياعم ابو حيان انا لايحب الذهب ولا المرجان .
ابو حيان : انت بقيت ملك الشام والامارة عايزة اعداد رجال .
قسام : عمر الذهب ماصنع رجال ياعم ابو حيان .. ذهب ومال ايه بس يا ابو حيان .
زبيدة : قسام .. قسام تعالى لما اقلك كلمة .
قسام : عن اذنك (بأخذها جانباً) فية ايه يا ولية ... فى ايه ؟
زبيدة : خد للبنت حلق ذهب وخلخال وعقد علشان لما تتجوز .
قسام : اما كلام نسوان بصحيح جرى لك ايه يا زبيدة اعمل ايه بالذهب ؟
زبيدة : حد يقول الكلام دا .
قسام : ح ابقى اشتر لها من السوق لما الامور تتحسن شوية .
زبيدة : امور ايه انت بقيت والى الشام ومستول عن كل حاجة . يا متولى .
الوالى : نعم
قسام : تعالى عايزك ما تروحلهاش .
الوالى : جيت .
قسام : الوالى وظيفته ايه بالضبط .. غير العبيد والجوارى الحسان والقصر الجميل دا .. بيعمل ايه بالضبط ؟
الوالى : يدير البلاد .
قسام : يعنى ايه يدير البلاد .. يا غلبان دا احنا ما شلناش الزبالة تلت تيام ولا عطيناكم تراب البلد عفنت دا كلام تقولهولى .. طيب ازاي تدير البلاد .
ابو حيان : (يدرك الحالة التي فيها) خلى الذهب عندك والفلوس عندك حتموزها ولما تموز اى حاجة من الخليفة العباسى ابعت لنا فى الحال السلام على ملك الرجال قسام التراب .

- قسام : استنى يا ابو حيان .. قوللى (ياخذہ بعیدا) ہى شغلانة الوالى دى صعبة .
- ابو حيان : (يضحك) دا اسهل شغلانة .
- قسام : ازای .
- ابو حيان : اى واحد يجييك فى شكوى حوله على القاضى .
- قسام : دا قاضى .. قاضى ايه بس .. تخيل عنده ١٧٣ عيل ويتجوز كل اسبوع بنت قد عياله ويطلقها .
- ابو حيان : عارفينه .. ممكن تخيره يا مولاي .
- قسام : اعين غيره .. زى مين .. تفتكر مين اللى ينفع .
- ابو حيان : واحد جدع وقاهم وما يحبش الهزار وجد فى اعماله واذا حكم اثنين عدل وله عقل رزين مش متسرع .
- قسام : يبقى الواد زعتر .. مفيش غيره رزين وعقله حلو .
- ابو حيان : خلاص يبقى زعتر .. عن اذنك يا ملك الرجال .. (يخرج) ينظر قسام الى الوالى)
- قسام : متولى الواد زعتر يبقى القاضى .
- الوالى : زعتر قاضى .. يا نفوخى .. يا ناس .. زعتر قاضى .
- قسام : مش حرامى ولا كرشه حامى ولا عقله فاضى .. وعقله يوزن بلد .. طول عمرى ابعتة يحل المشاكل بين اى اثنين .. دايمًا حكم فى مجلس العرب .
- الوالى : بس دا مش كافى .
- قسام : ما بسش .. اكتب الكلام دا فى بيان يا تعبان .
- الوالى : بيان من قسام التراب ملك الرجال يتعين زعتر قاضى للشام .
- (يكتب البيان ويسلمه فى الحال لاحد الجنود)
- سعد : (يدخل يحمل العلم فى يديه) العلم دا .
- قائد الشرطة : العلم دا علم البلاد - ازاي يدوس عليه الزباليين .
- قسام : الله .. انت زعلان انهم داسوا على علم البلاد .
- قائد الشرطة : دا علم العزيز الفاطمى .
- قسام : غيروا العلم .

- الوالى : العلم يتغير .. يتغير أزاى .. دى الاعلام امانة ؟
قسام : وادوا الاعلام القديمة لمسكر العزيز الفاطمى ما دام امانة وقولوا للعزيز
احسن له يديها للفقراء يعملوا بيها فساتين وجلاليب وحاجات ثانية .
- الوالى : ازاي البلاد تكون من غير اعلام .
قائد الشرطة : الشام من غير اعلام دا كلام .
قسام : اعملوا لنا اعلام جديدة .
الوالى : اعلام جديدة .
قسام : ايو جديدة .. ح ارسم علم ولا فى الخيال .. علم بيتقى مالهوش مثال .
قائد الشرطة : حترسم علم ايه زبالة .
قسام : لا وانت المصدق .. مكنسة وقفة .
الوالى : (يضحك) معقول ؟ علم مكنسة وقفة .
قائد الشرطة : (يضحك) دى نكتة .
- قسام : لا يا حبيبى انت وهو دى حقيقة علم مكنسة وقفة .. احنا قسام التراب
ملك الرجال قلنا والقول صحيح على كل بيت من بيوت الامراء والاعيان
يحمل الزبالة ويرميها فى خارج المدينة .. احنا قسام التراب قلنا .
والقول صحيح نظفوا المدينة واحملوا زبالتك من قدام الديار واكنسوا
الشوارع والحوارى وامنعوا الضرائب واه لو شفت ورقة مرمية فى حارة
وممنوع اى حد يتبول على التراب واللى بيره حيتلمى بالتقيلة بمية قفة
تراب يردمها ويعمل بير جديد .. اكتب دا يا كاتب الديوان يا متولى يا
سكران .
- الوالى : ايه متولى السكران .. ايه يا متولى السكران دى انت ناوى تهرانى .
قسام : مش كنت بتسكر على طول .. فى كل ليلة ودخلت لقيت الجرات مليانة
خمرة فى بيتك
زعتري : (يدخل مسرعا) ايه اللى سمعته دا زعتري مين اللى بقى قاضى يا ملك
الرجال .
قسام : انت يا زعتري .. فيه فى المملكة حد تانى اسمه زعتري ؟

زعتري : بس انا ما اعرفش .. ما اقدرش اتحمل المسؤولية دي .

قائد الشرطة : ما يعرفش دا زبال امي جاهل .

قسام : لا .. يعرف . وبعدين هو مش أمك هو زى ابوك وبعدين الجاهل انت .

قائد الشرطة : اللي تشوفه يا مولاي .. انا جاي استنذن فى الخروج للقاهرة .

قسام : انا عييتك مسئول الزبالين فى حى التجاريين وتجار الخيش .

قائد الشرطة : انا ابقى مسئول الزبالين فى حى التجاريين وتجار الخيش ؟

قسام : (مقاطعا) ايوه انت بشحمك ولحمك .. امال حلقى مين غيرك .

قائد الشرطة : ومين يتولى الامن .. امن الشام .. البلد حتبقى من غير رجال شرطة .

قسام : سعد يتولاها .. سعد طول عمره جدع .. حرس اكياس الزبالة وامانة الزبالين .

سعد : انا ابقى قائد الشرطة .. دا كتير .

قسام : على الاقل يا سعد لما تضمن تاكل الحرامية مش حيسرقوا البلد .. لو طبطننا توزيع الاكل مفيش حرامية .

سعد : والحرامية الكبار من الموظفين .

قسام : كل حرامى منهم ركب حمار بالتمندار وشه مكان قفاه وخليه يدور فى شوارع الشام علشان الناس ترقصه .. يتن يرقص ويتحرك لحد ما يموت

سعد : ويكده نحقق العدل .

قسام : يا للا انصراف يا مسئول الزبالة فى حى التجاريين والا تحب ترقص على عربية بحمار .

قائد الشرطة : لا .. اشيل الزبالة احسن .. (يخرج) .

زعتري : عن اذنك يا مولاي .. اخذ القاضى معايا يودينى الدار .

قسام : آه بس على الشرطة .. هاتولى الاول .

القاضى : (يدخل القاضى) انا واقف على الباب سامع كل حاجة .. انا موافق يا عم قسام على كل حاجة .. انت عمى والعم والد .

قسام : والد .. يا راجل انت اكبر منى .

القاضى : انت الاكبر فى المقام .. انا طالب ايد بنتك مريم وادفع مهرها تلت

- تلاف دينار .
- مريم : (تدخل تصرخ) اوعى يا ابيه تعملها وتوافق ولا حتى بعشرين الف .
- القاضى : وافق يا عمى ارجوك وانا مستعد اشتغل عندك زبال حمار .. ادفع ثلاثين الف دينار .
- مريم : اوعى يا ابيه انا ح اتجوز سعد .
- القاضى : سعد قائد الشرطة دا ما حلتوش حق البدلة ادفع اربعين الف دينار مهرها .
- سعد : ايوه قائد الشرطة يا قاضى يا ابو ذمة واسعة يا حرامى .
- القاضى : دا ظالم ما دام شرطة يبقى ظالم .. يا عمى .. (قسام) .. الشرطة دايما ظالمين اسألنى انا .
- قسام : شوف يا قاضى .. انا ح اعينك تقسم التراب وتفتش على البيوت .. تشوف الحمامات وتعمل المخلفات للى يعملها فى الطريق من تبول او ...
- القاضى : والدار والبنات والولاد والنسوان .
- قسام : الدار حسيبها بس علشان ولادك يشتغلوا معاك فى عمل المخلفات والتفتيش على الطريق .. ونسوانك تشتغل من باقى النسوان فى غزل الصوف .
- القاضى : موافق بس مريم .. ادينى مريم وانا اعمل اى حاجة وادفع خمسين الف دينار مهرها .
- مريم : يا دى مريم وسنين مريم يا راجل شوف لك حاجة غيرى .
- سعد : سيبه يا مريم يتكلم على كيفه سيبه يهو هو .. هو يا قاضى .
- القاضى : انا مستعد اهو هو بس ادونى مريم هو .. هو .. هو .. يلا بقى ادينى مريم يا سعد مش قلت لى هو هو .. ادينى هو هو .
- قسام : اما راجل عينه زايقة يلا انصرف مع سعد فى الحال .
- القاضى : ح اتصرف يا ملك الرجال (يخرج مع سعد) .
- زبيدة : (على المسرح قسام وزجته زبيدة وابنه وليد) .
- زبيدة : ايه يا قسام حتمل ايه فى المال اللى لقيته فى قصر الوالى ؟

قسام : ح اوزعه على الناس .
 زبيدة : توزعه على الناس ؟
 قسام : الزبالين والكناسين .. الشطار والحرافيش والعيارين والزعاليك والزعران والاحداث .
 مريم : واحنا يا ايه ؟
 قسام : احنا ايه .. العيش مخبوز والميه فى الكوز يا بنت قسام التراب ..
 وليد : مالك يا وليد ساكت ليه ؟
 : معقول الكلام دا يا ايه نعيش فى القصور ونشرب فى كوز وشخبز زى ما كنا فى حى الزبالين ؟
 رجل ١ : ملك الرجال جانا مرسال من القرامطة .
 قسام : خليه يدخل .. الحريم انصرف .
 زبيدة : جرى ايه يا راجل خليه يدخل انت حتعملهم عليا .. روحى يا مريم انتى علشان لسه صغيرة .
 مريم : حاضر يمه بس اشوف القرموط دا .
 قسام : خليه يدخل القرموط دا .
 القرموطى : السلام عليكم ورحمة الله وبركاته .
 قسام : عليكم السلام ورحمة الله وبركاته .
 القرموطى : ملك الرجال صاحب العلم الجميل المكنسة والقفّة .
 قسام : شايفين القرموطى فاهم ازاي .
 زبيدة : قرموط انما ايه لسانه بينقط غسل .
 القرموطى : مولاتى زبيدة .
 زبيدة : يا حلاوتك يا جمالك خلّيت للحلوين ايه قولها تانى سمعنى مولاتى زبيدة .
 القرموطى : مولاتى زبيدة التى ساند ملك الرجال قسام التراب الذى سيحقق العدل مثل دولة القرامطة ويلغى الثراء .
 قسام : لا انا عايز الفى الفقر مثل الفنا .. انا عايز كله غنى كله بيكسب ياكل

- .. كله ييشرب .. كله يسكن .
- القرموطلى : دى مكنتة من دهب وقفة من دهب صغيرين حلوين .
- قسام : سلطانكم دا راجل جدع كان بيشفتل ايه قبل ما يبقى سلطان ؟
- القرموطلى : ما هو ابوه كان سلطان .
- قسام : قصدى جده الاول .
- القرموطلى : سلطان .
- قسام : الاوالانى خالص .
- القرموطلى : كان صياد .
- قسام : اعملوا سمكة من دهب واهدوها للسلطان القرموطلى اتاريه قرموط .
- القرموطلى : شكرا يا ملك الرجال .. (ينظر ناحية مريم) .
- الاميرة مريم .. مولانا الامير عايز يخطب مريم لابنه على عنده ٢٥ سنة وابن سلطان القرامطة .
- وليد : يعنى حتاكلى سمك على طول ببلاش .
- مريم : يا دمك يا اخى وانت غلس كده .
- زبيدة : (تزغرد) يا حلاوة يا مريم السلامين جايين يخطبوكى .
- مريم : بتزغرتى على ايه يا امه ؟
- القرموطلى : ودا سيف دهب للامير وليد .
- زبيدة : دا عبيط ما يعرفش يمسك سيف لكن بيضرب بعضا المكنتة احسن من عشرين سيف .
- وليد : يا امه اسكتى شوية متشكرين (يمسك السيف)
- القرموطلى : (يقدم صندوقا مليئا بالعمله) إحنا عملنا عملة جديدة عليها صورتك وكتبنا تحتها قسام يا شديد .. ياللى اقوى من الحديد .
- قسام : فلوس عليها صورتى ومكتوب تحتها الكلام دا ؟
- القرموطلى : مش مصدق امه .. (يفتح الصندوق والاولاد والزوجة يفرحون بالعمله)
- قسام : اما انكم قراميط بصحيح عاملين حساب كل حاجه بالتمام والكمال .
- القرموطلى : امر ملك الرجال .

- قسام : روح شوف لك نومه .
القرموطى : بتقول إيه يا مولاي ؟
قسام : بقولك روح نام وفوت عليا بكرة .
زبيدة : (تهمس فى أذنه) قسام .. إسمع .. شوف الراجل متولى يدبر له نومه .
قسام : يا متولى .. يا متولى يا زفت .
الوالى : نعم (يدخل) .
قسام : نعمه ترفصك .. إسمع .
الوالى : نعم .
قسام : الراجل دا ضيف خده نيمه وريحه وإستضيفه فى بيت الضيوف يا حلوف .
القرموطى : الراجل دا بتشبه عليه .. يشبه مين .. مين ؟
الوالى : الراجل دا بتشبه عليه .. مش فاكرنى .
القرموطى : يخلق من الشبه أربعين تشبه الله يحجمه مطروح ما راح الوالى السكران التعبان .. سارق الأمن والأمان .
قسام : الفاتحه على روحه .
الوالى : إتفضل قدامى .
القرموطى : عن إذن مولاي .. (يخرج) .
مريم : إيه يا أبه .. حتجوزنى لابن سلاطين القراميط ؟
زبيدة : حقه يا مريم حتبقى اميرة .
مريم : لا يا أمه .. لا .. أنا إخترت سعد من زمان وأبويا عطالة كلمة مش كده
يا أبه ؟ ساكت ليه ؟ ما تتكلم ؟ أوعى يا أبه تبغنى ؟
زبيدة : يبيعك إيه يا خايبة دى جوازة من ابن سلطان .
مريم : يا أبه إنت ساكت ليه ؟
وليد : أبوكى بيفكر .
قسام : حاجه تحير .

زبيده	: لا تحير ولا تغير إيش جاب سعد الكحيان لابن السلطان ؟
مريم	: سعد يا أمه قائد الشرطة .
زبيده	: بلا خيبة دى حنية قلب أبوكى هى خلتة كده .
وليد	: صح يا أمه بس سعد دا يامه طول عمره معانا أيد بايد .
زبيده	: ورجل برجل ورأس برأس .. إيه يا واد الكلام الخايب دا ؟
مريم	: يا أمه وليد كلامه مش خايب .
زبيده	: هو لولا كلامه مش خايب كان حب أخت زعتر .
مريم	: ماله زعتر دا قاضى .
زبيده	: بنت إنتى .. إنتى ناسية إنتى بنت مين ؟
قسام	: (يدخل) بنت مين ؟ يا زبيدة قولى لها
زبيده	: بنت قسام التراب ملك الرجال اللى تخطب وده السلاطين وحاكم بلاد الشام .
قسام	: بس قسام التراب دا زبال والعلم اللى قدامك ده عليه المكينة والقفة
	علشان ما تنسيش أصلنا يا زبيده .. سعد جوز بنتك مريم مهما جرت
	الأيام والواد حاجوزه أخت زعتر واحنا زى ما احنا زبيدة وقسام .
زبيده	: والله ما انا قاعده لكم راح إمشى واسيب لكم الديوان (تخرج) .
مريم	: يا أمه .. يا أمه (تجرى خلفها) .
وليد	: يمه .. يمه (يخرج) . (يخرج بمفرده على المسرح)
الشاعر	: (يدخل مسرعا) أنت شمس يا مولاي .
قسام	: أنت مين يا حرامى .
الشاعر	: أنت قمر .. أنت فجر للحياه .
قسام	: أنت حرامى .. أنت إزاي جيت هنا .
الشاعر	: أنا شاعر يا مولاي .. على بابك اقف منذ ثلاثة أيام .. لا طعام .. لا شراب . (يبكى)
قسام	: يتشتغل إيه يا أبنى ؟
الشاعر	: شاعر يا مولاي .

قسام	: ما انا عارف شاعر .. شاعر بايه ؟
الشاعر	: شاعر القوافي وفارس الكلمات .
قسام	: وحياة أبوك أقف معوج وإتكلم عدل .. بتشتغل إيه ؟ .. نجار .. حداد .. عطار .
الشاعر	: شاعر الملوك وانت سيد الملوك اجمعين .. إنت .. إنت ملك الزمان ما مضى منه وما هو آت .
قسام	: أبوك السقامات .. يا بتاع التلت ورقات .. علقوه على خازوق .
غسان	: أبوس إيدك يا مولاي سامحنى .
قسام	: إختار لك شغلانة يا نجار يا حداد يا عطار يا زبال ؟
الشاعر	: اصنع العطور فانا اعشق الجمال .
قسام	: احسن برضه .. إشتغل علشان تاكل وتبطل كلام .. مع السلامه انت اسمك إيه يا ولد ؟
الشاعر	: خادمك يا مولاي .. حسن .
قسام	: ماشى يا حسن .. إوعك القاك بتشتغل فى التلات ورقات وتذويق الكلام .. ح أجلك .. (يخرج مهرولا)
قسام	: يا زبيدة .. يا زبيدة إنت فين (يخرج) ؟
غسان	: (يدخل على المسرح عم غسان)
الوالى	: مش معقول الكلام دا .. هو فين قسام ؟ .. فين قسام ؟
غسان	: إنت جيت لحبيبك يعنى .
الوالى	: الله بتعمل إيه هنا ؟
غسان	: بشتغل عند حبيبك الزبال .
غسان	: ماعدش حبيبي .. قال إيه عايزنى اطلع زكاة المال فاكهه مال وأوزعه على الفقراء والجيش وقال إيه أشغل الناس بالمال مش بالطعام دا كلام .
غسان	: فيها إيه لما الناس تشتغل بالوجبات ماله ومالنا ؟
الوالى	: (ينظر خلفه) دا زبال يا غسان .
غسان	: لك حق .

- الوالى : انا ابقى كاتب .
- غسان : فين ايامكم تاخده فاكهه بدل الضرايب .
- الوالى : إحنا مش ساكتين على إتصال بالعزیز الفاطمى .
- غسان : والله يا ريت يرجع العزیز الفاطمى .
- الوالى : القاضى وأنا وشهنذر التجار بنعمل إجتماعات كل يوم جمعه فى المساء .
- غسان : فى ديوان شهنذر التجار بنبعث رسايل للعزیز الفاطمى .
- غسان : وأنا معاكم .
- الوالى : قال إيه مش عاجبه كل حاجه ؟
- غسان : مش ممكن يفضل الحال على ما هو عليه ؟
- الوالى : مش ساكتين له ؟
- قسام : (يدخل) دا عقل الستات وافكار ستات .. (ينظر يجد الوالى وغسان) خير فى إيه يا عم غسان .
- الوالى : مفيش .. كان بيمدح فيك .
- قسام : أسكت أنت يا متولى .. فيه إيه يا عم غسان ؟
- غسان : كنت جاي أسأل عليك .
- قسام : الله إنت إتعلمت من متولى تدارى الكلام يا عم غسان ماشى .. أهلا بيك .
- غسان : بتقول عقل ستات وافكار ستات .. خير فيه إيه ؟
- قسام : اصل إمبراطور الرومان بعث لى هديه شوية نسوان جوارى فكره إنتى فاضى للنسوان .. هو إالى يتجوز زييده يفكر يتجوز تانى (يضحك)؟
- الوالى : ها ها .. نكته جميلة .
- غسان : زييدة ست طيبة .
- الوالى : وإمبراطور الروم عايز إيه ؟
- قسام : الله .. إنت بتدخل فى اللى ما لكش فيه .
- الرومانى : (يدخل مسرعا وخلفه زييدة) الحقنى يا مولاي احقنى يا مولاي .
- زييده : جايب له نسوان .. راجل طويل عريض وجايب نسوان .

- قسام : كفايه يا زييده كفايه .
- زييده : والبنات اللى بيعتهن لك ملك الروم هديه .
- الرومانى : جوارى مهلبيه .. (يدخل وليد ومريم) .
- وليد : يا ابيه امى عملت فى البنات الروميات حته عملة .
- الرومانى : اخدتهن وضربتهن علقه وبعتهن للحمام يشتغلوا فى تنظيف نسوان الزبالين .
- مريم : اوعك تغلط فى نسوان الزبالين ؟
- الرومانى : هو انا غلط ؟
- زييده : انا مش قادرة اقف قدام الراجل دا .. انا ماشيه (تخرج) .
- قسام : (يضحك) حلوه يا زييده استنى استنى .
- الرومانى : وفين الحلاوة فى كده يا مولاي .
- قسام : تبقى بتغير عليا زييده بتغير عليا .
- الرومانى : (يهمس) ح اخلى مولاي بيعت لك عشرين جاريه .
- قسام : يا بنى هو انا قادر على واحده لما تجيب لى عشرين والا اقولك خليه بيعتهن يمكن اختار واحده منهم للزمن .
- مريم : يا ابيه اقول لامى ؟
- قسام : ما تقوليلها حتخوفيني من امك .
- مريم : لا يا ابيه .. بس تدخل ستات غريبه هنا .. انا زعلانة هه (تخرج) .
- وليد : مضبوط .. عن اذنك يا ابيه .
- قسام : عارفك عايز تروح تدور على البنات الروميات .
- قسام : يا متولى يا زفت خد عم غسان وامشى وسبنى مع مندوب الإمبراطور الرومانى .
- الوالى : حاضر .. حاضر .
- قسام : ما تتصنتش على الباب .
- الوالى : أمر مولاي (يخرج) .
- غسان : أمر مولاي (يخرج) .

(يبقى قسام والرومانى)

الرومانى : إنت ليك اعداء يا قسام التراب ومؤمرات داخل وخارج البلاد وإحنا لينا عيون ونقدر نساعدك .

قسام : تساعدنى فى إيه .

الرومانى : نمدك بجيش تهزم بيه العزيز الفاطمى .

قسام : جيش إيه ؟

الرومانى : جيش رومانى عظيم يساعدك تهزم بيه العزيز الفاطمى وخليفة العباسيين وملك القرامطة ، وتبقى إنت إمبراطور الدوله العباسية الكبرى .. إحنا اصدقاء وفيه غيرك يتمنى إنتا نساعدك ومعاهم فلوس يدوها لنا لكن إنت تهمنا نديك فلوس ومال ورجال وفرسان تهزم جيرانك .

قسام : يا نهار اسود وليه انا استعين بالروم واقتل العرب والمسلمين ؟

الرومانى : علشان تبقى إمبراطور العرب والمسلمين .

قسام : انا ابقى زبال فى أى مكان عند أى حاكم عربى حتى ولو كان الوالى

متولى ومبقاش إمبراطور تحت سيف رومانى يقتل اهلى وإخوانى .. روح

إمشى إغلقوا الديوان « يمشى » .

(المشهد السابع)

- (مريم ووليد على المسرح بمفردهما)
- مريم : أنا رايحه اشوف امي (تخرج)
- وليد : طيب .. (يجلس على كرسي العرش) .
- ليلي : (فتاه فقيرة أخت زعتر تدخل القصر على إستحياء)
- وليد : ليلي .. إنتي جيتي اخيرا للديوان .. ليلي يا وردة البستان .. يا حلمي الجميل .
- ليلي : ايوه جيت يا سي وليد .. ماتكسفنيش بقى بالكلام الجميل .
- وليد : أهلا يا ليلي .. لو كنتي تعرفي قد إيه أنا .
- ليلي : (مقاطعا) اخويا زعتر قالى روجي كلمي عمك قسام التراب عايزك فى القصر ضرورى .
- وليد : دا القصر نور .. والحي نور ..
- ليلي : بصراحه خفت يا سي وليد من القصر .
- وليد : ما هو اخوكى عايش فى قصر .
- ليلي : ما هو بصراحة يا سي وليد قصر عن قصر يختلف .. القصر دا كبير
- وليد : مماكى حق اتاريهم عايشين فى قصور وسايينا فى خيام .
- ليلي : عمى قسام هنا ؟
- وليد : طالع ينام شويه وزمانه جاى .
- ليلي : طلب أروح أنا وافوت اشوفه بعدين .. اصل اخويا قالى انه عايزنى ضرورى ؟
- وليد : جرى إيه يا ليلي مالك مكسوفه منى ليه ؟ ومستعجله ليه ؟ إحنا من زمان ماتكلمناش .
- ليلي : سنتين يا سي وليد وإحنا بنحارب عسكر العزيز الفاطمي وستين وإحنا مش عارفين ليلنا من نهارنا .. أربع سنين فى حرب وضرب .
- وليد : بس إحنا بقت الشام ملكنا يا ليلي .

- ليلي : يا ترى حتفضل حياتنا كده مش عارفين ليلنا من نهارنا ؟
- وليد : أبويا بيقول هانت وكل الأمور حتوضح .. زعتر أخوكي مبسوط ؟
- ليلي : زعتر (تضحك) الله ينيله قال الجعان يكتب طلب والعريان يكتب طلب وخلي العسكر تلف على المدينة تجيب الشكاوى وخلي شهندر التجار يوزع الزكاة قماش على الغلبانين .
- وليد : زعتر جدع .
- ليلي : بس عيبه الوحيد ما بيعرفش يقرأ ويكتب .
- وليد : يعنى إستفدنا إيه من إللى بيقراوا ويكتبوا خربوها . وجابونا ورا وسرقوا الناس .
- وليد : معاك حق يا سى وليد ما تعرفش عمى قسام عايزنى ليه ؟ والنبي لتقولى يا سى وليد أحسن قلبى فى رجلى مش عارهدف اتكلم أتلّم على جتتى من ساعت ما أخويا قالى .
- وليد : أبويا وافق يا ليلي وافق على جوازنا خلاص .
- ليلي : معقوله .. صحيح .. عمى قسام وافق على جوازنا .. ومين قالك إنى ح أوافق عليك (بدلال) .
- مريم : (تدخل) إيه دا القمر عندنا أهلا يا ليلي .
- ليلي : (تحضنها) أهلا يا مريم وحشاني يا بنت عم قسام .
- مريم : جرى إيه يا عروسه .. جرى إيه يا عريس مش تفرج عروستك على القصر .
- ليلي : بصراحه أنا مكسوفه قوى منك يا مريم إنى ما جتش لكم من سنتين شغلتننا الحرب والضرب وهموم الناس وفرح الناس كل واحد نسي نفسه كلنا بنحلم وكلنا مشغولين .
- مريم : ياللا بينا قدامى وبطللى دلج البنات دا .. قال مكسوفه قال ياللا يا وليد تعالى معنا نفرج ليلي على القصر زى ما بنحلم مع كل الناس من حقنا نحلم شويه .
- وليد : ياللا بينا .. (يخرجان)

(يدخل القاضي وزعتر) (القاضي في حاله رثه ويحمل الأوراق
بينما زعتر تحسن قليلا في ملبسه ولكن الملبس ليس فاخرا)
: عم قسام بعت لى يا ترى فيه إيه ؟ فيه حد إشتكى له أكيد . زعتر
القاضي : الشغل من الساعة كام للساعة كام فهمنى ؟ تبعتنى .. ما هو لنا لازم
أعرف الشغل من الساعة كام للساعة كام ؟ مش طول النهار الف وراك فيه
إيه يا أخى ؟ أنا راجل كبير عيب يا زعتر .
: ميت مرة أقولك القاضي زعتر يا كاتب القاضي .. وميت مرة أقولك زعتر
علمنى القرايه والكتابه تطنش ولو إنت قاضى عادل ماكتتش*القى كل
المشاكل دى فى البلد .
القاضي : حاضر .. حاضر يا قاضى زعتر (لنفسه) إمتى تيجى ياللى فى بالى
وتخلصنا من إللى إحنا فيه ؟
: يا ترى عم قسام عايزنى فى إيه ؟ زعتر
القاضي : عايزك فى كل خير .. يمكن حيغير الوزراء والمناسب .
: دا حتى قالى إبعث لى اختك ليلى . زعتر
القاضي : هى الست ليلى هنا ؟ جايز تبقى وزيرة ويبفكر يعمل وزارة اول مرة
اشوف بلد من غير وزارات .. هى الست ليلى هنا ؟
: أيوه ياما جات ياما حتيجى . زعتر
القاضي : بالمناسبه دى إسمح لى يا عمى القاضي زعتر ان اتقدم فى طلب
زعتر : (بدهشه) إيه يا عم القاضي زعتر جديده دى .. على ودانى .. فيه إيه
إتكلم بسرعه .. أنا عمك القاضي زعتر .
القاضي : ماتلخبطنيش بالمناسبه دى إسمح لى يا عم القاضي زعتر إنى اتقدم لك
فى طلب إيد اختك ليلى .
: يا نهارك مش فايت إنت إجنينت يا راجل إنت .. دى البنت تيجى قد احفادك . زعتر
القاضي : احفادى مين يا عم الراجل ما دام بصحته يبقى خلاص .. عندك
قسام التراب مثلا إبنه عمرة ١٨ سنة وهو ٣٦ سنة دا ليه لأنه اتجوز وهو صغير
: دا قانون وزمان الزبالين البنت تتجوز سنها ١٦سنة والواد يتجوز ١٨سنة . زعتر

- القاضي : أنا بقى إتجوزت عمرى ١٢ سنة .
- زعتري : يا شقى .
- القاضي : آه والله لما شافنى بقيت راجل وأنا عندى ١٢ سنة قال جوزة حالا .
- زعتري : ومن يومها نازل جواز .. إرحم بنات الناس ربنا يخرب بيتك .
- القاضي : ما هو إتخرب على أيد الزبالين .. قصدى على أيدىكم .. قصدى إتخرب والسلام .
- قسام : (يدخل قسام التراب) إيه يا قاضى جيت ليه ؟
- القاضي : نعم .
- قسام : (ينظر له بدهشه) هو إنت قاضى .. إنت قاضى .. أنا بقول يا قاضى .. يا أبو عقل قاضى للنسوان والكلام الفارغ .
- زعتري : نعم .
- قسام : أنا طالب أيد اختك ليلى لأبنى .
- القاضي : نعم بتقول إيه ؟
- قسام : اسكت يا راجل يا غلباوى .
- القاضي : سكت .
- قسام : طالب أيد اختك ليلى لأبنى وليد .
- القاضي : (ييكى) .
- قسام : بيعيط ليه دا .. بدل ما تقول مبروك تعيط وتبكى أما راجل عديم المفهومية .
- زعتري : دا شئ يشرفنى يا عمى قسام يا ملك الرجال .
- زبيدة : (تدخل تزغرد) مبروك .
- ليلى : (تدخل مع وليد ومريم)
- قسام : أكتب يا قاضى الكتاب .
- زعتري : أكتب يا كاتب .
- القاضي : (ييكى) حاضر .. حاضر .. حتى أنت يا ليلى رحى منى .
- قسام : الله هو أنت بقالك سنتين ما تجوزتش جوازك جديده علشان كده

(يقلب المسرح إلى فرح وزفاف .. يتحول الديكور مع نهاية الأغنية إلى قصر العزيز الفاطمي) .

العزيز الفاطمي : التاريخ حيقل إيه من ٣٦٥ لسنة ٣١٣ هجرية حكم الشام زبال اسمه قسام التراب .. دا كلام يا رجال .. عيوننا فى الشام بتقول انه ملك قلوب الناس وماليهم إحساس .. والى متولى طالب قلوب على طول علشان يشتري لنا اعوان .

ابن الصمصامة : يا مولاي العزيز سبع سنوات بسبع حملات كل حملة بتهزم .
العزيز الفاطمي : ٧ سنين وعلم الشام مكنسه وقفه دا إنسان غريب .. يا ابن الصمصامة دا بيقتد ياكل فى الأسواق .. مع مبيضين النحاس والعطاريين والسقاين .

ابن الصمصامة : والغريب يا مولاي .. والعجيب يا مولاي عمل السيوف شكل المقشه والدروع شكل القفه .

العزيز الفاطمي : أقول إيه قدام التاريخ العزيز الفاطمي فرسانه بتحارب زبالين .

ابن الصمصامة : يا مولاي بيحكم البلد من غير وزارة ولا بيغرفش يفك الخط .

العزيز الفاطمي : إيه رأيك يا ابن الصمصامة

ابن الصمصامة : الرأي رأيك يا مولاي العزيز

العزيز الفاطمي : يكون جيش أكبر من الجيش إالى فتحنا بيه مصر وانت تبقى قائد الجيش وتفتح الشام وتدخل دمشق وتجيى لى قسام التراب حى مش ميت لأنه لو مات حيتحول لرمز وثورة شعبية ولازم تفوت عليه الفرصة دى .

ابن الصمصامة : الجيش دا يا مولاي حيتكون فى يده .

العزيز الفاطمي : حتى ولو .

الحارس : (يدخل) مولاي .. مولاي .. رسول يا مولاي من عيوننا فى الشام .

العزيز الفاطمي : يدخل قوام .

الرسول : يا مولاي الثورة قامت فى بغداد والعراقيين قاموا بثورة على الخليفة العباسى وفشلت ورجعت بغداد للخليفة العباسى ورئيسهم هرب .

الرسول : عند قسام التراب والخليفة العباسى طالب راسة فى بغداد .
العزیز الفاطمی : إحتا الفاطمیین ومعاانا حنقضى على قسام التراب ونعدل المیزان ما
بقاش إلا الزبالین .. یحكموا البلاد .

ستار

(المشهد الثامن)

- الزمان : ٣٧٣ هـ .
- المكان : (أحد الشوارع في دمشق) بجوار بستان صناديق زباله في كان حوالى عشرين صندوقا مليئا بالقذارة .. ابن الصمصامه ومعه جنوده .
- ابن الصمصامه : فتشوا كل البيوت .. كل الحواري .. كل شبر .. قسام التراب لو غاب .. العزيز الفاطمي حيدبحنا هاتوه لو متساب بس حى .. لو إتصاب عالوجه واشفوه وهاتوه سليم .
- جندى ١ : يا سيدى القاضى كل الحتت فتشناها .
- ابن الصمصامه : أكيد لسه حى .
- جندى ٢ : دورنا فى كل مكان .
- ابن الصمصامه : أما راجل غريب .. راجل عجيب .. سريريه من خشب ومرتبته طين ويطانيه تعبان من صوف الغنم .
- جندى : قسام التراب إتهزم يا سيدى إتهزم على أيد القائد الفاطمى الكبير ابن الصمصامه دا إللى حيكته التاريخ .
- ابن الصمصامه : طيبخ إيه ؟
- جندى ٢ : يقول تاريخ الشعوب .
- ابن الصمصامه : فكرتوني بالتاريخ اى حاجه تلاقوها مكتوب فيها تاريخ عن قسام التراب إحرقوها .
- جندى ٢ : إزاي ؟
- ابن الصمصامه : إزاي يفضل تاريخه .. دا كابوس وإنتهى مفيش حاجه إسمها قسام التراب ولا الحرافيش ولا الأحداث ولا الزعران .
- جندى ٢ : ولا الشطار دول مش ناس دول رعا .. مظبوط .
- ابن الصمصامه : أعلنوا فى كل البلاد خمسين ألف دينار ذهب فاطمى للى يقبض على قسام التراب حى ويسلموا لنا .
- جندى ٢ : إحنا فتشنا دمشق كلها فاضل البستان دا .

ابن الصمصامة : فين صاحب البستان ؟
 جندی ١ : (يدخل معه غسان) أهه يا مولای .. فتشنا البستان .
 غسان : أهلا بقائد عسكر وجنود العزيز الفاطمی ابن الصمصامة .
 ابن الصمصامة : ابن الصمصامة .
 غسان : ابن الصمصامة .
 ابن الصمصامة : ابن الصمصامة یا تبان .
 غسان : أهلا یا ابن الصمصامة التبان .
 ابن الصمصامة : انت غبی .
 غسان : انا مش مبی انا عجوز ما انت شایف .. لا حیلتي عیل ولا حیلتي تیل .
 ابن الصمصامة : إحنا عایزین یا .. انت قولت لی انت اسمک إیه ؟
 غسان : عمک غسان .
 ابن الصمصامة : انت قریب قسام التراب یا غسان .
 غسان : یا ریت کان لی ولد زیه ؟
 جندی ٢ : (یرج سیفه) بتقول إیه ؟
 غسان : اطلیب قلب فی الشام قسام (ینکی) بس .
 ابن الصمصامة : بتبکی لیه هو مات .
 غسان : مش عارف هو مات واللأ حی .. کان صاحبی لما کان زبال وکان عدوی لما بقی سلطان .
 ابن الصمصامة : اسمع یا غسان لو لقیته حی حندیک خمسين الف دینار ذهب سامع وای حد یلقاه حی حندیله خمسين الف دینار .
 غسان : سامع یا مولای القائد (یرج القائد)
 جندی ١ : إعلان .. إعلان یا أهالی دمشق الفیحاء إعلان إعلان خمسين الف دینار للی یقبض علی قسام التراب حی .. إعلان إعلان من قائد السلطان العزیز الفاطمی ابن الصمصامة خمسين الف دینار ذهب للی یسلم قسام التراب حی .

(يخرجون جميعا .. الجنود وابن الصمصامة ويظل غسان على المسرح الذى يخرج صفارة يصفر .. فيخرج من صناديق الزباله قسام التراب .)	
: ايه مشيوا .	قسام
: مشيوا يا قسام .	غسان
: خد العقد الماسى إالى بعته الخليفة العباسى هديه .	قسام
: ادينى وفيت وعدى وإنت وفيت العطيه .	غسان
: كل دا جيش جاييه العزيز الفاطمى .. كل ما تموت ميه تلاقى ميتين .	قسام
: دا جيش اكبر من الجيش إالى فتح مصر .	غسان
: وكل دا دهب جاييينه معاهم .	قسام
: رشوه بيرشوا الناس بالذهب بتشتري الرجال والدول الكبير له تمن والصغير له تمن .	غسان
: احسن مكان نستخبا فيه برميل الزباله فكرة جميله مش كده .	قسام
: قوى يا قسام عندك ماس كمان وأنا أعمل إالى أنت عايزه .	غسان
(يدق على جنب غطاء الزباله الثانى) (تخرج زييده)	
: زباله يا قسام تخبينى فى صندوق زباله .	زييده
: ما هو الزبال لما يستخبي حيستخبي فى قزازه ريحه والا فى سبت تفاح .	قسام
: فين وليد .. يا وليد يا وليد .	زييده
: (يخرج وليد من صندوق زباله آخر) ايوه يا أمه انا أهو .. فين ليلى يا ليلى .	وليد
: (تخرج من صندوق الزباله) ايوه يا وليد انا أمه .. دنا حامل يا وليد تخلينى فى صندوق زباله فين زعتر وفين سعد ؟	ليلى
: صندوق الزباله (يضحكون) .	سعد
: نعمت وجالك نوم .	زييده
: يا سلام الواحد ينام فى صندوق الزباله .. وهو يشم ريحه حلوه	زعتر

وجميلة والله زمان .

قسام : راحت السكره وجت الفكرة .

غسان : أنا خايف ان الامور تخيب وما تصيب .

(ضوضاء) .

غسان : صوت من البعيد .

سعد : ياللا بينا كل واحد يستخبا .

(يختبئون بسرعه فى صناديق الزباله) (يدخل الوالى والقاضى) .

الوالى : يا غسان .

غسان : نعم .

القاضى : قسام التراب خلاص وأنا عايزك بكره تبعت لى التفاح الجميل والفاكهه اللذيذه .. نرجع زى زمان وادينا ريحناك منه ومن قرفه .

غسان : هو أنا ما قتلتكوش .

الوالى : ما قلتش ليه ؟

غسان : مش ابن الصمصامه القائد الكبير جه فتش البستان وقالى حيدنى خمسين ألف دينار دهب لو لقيت قسام التراب .

الوالى : (يحاول أن يسير .. يمد زعتر ويجذبه جلبابه) ليه دا فيه حد بيشدنى من هدومى .. فيه حد غريب هنا .

غسان : حد مين .. دى صناديق زباله البستان .

الوالى : أنا مش عايز غير الواد سعد إيدى تطولوه .

القاضى : وأنا عايز الواد زعتر أشوفه .. أشوفه بس .

(يخرجان سعد وزعتر من صناديق الزباله يخرجوا لسانهما من خلفهما) .

الوالى : لو شفت الواد زعتر ح أقطعه تحت وأرميه للكلاب والقطط .

سعد : (يقلد الكلب) هو هو .

زعتر : (يقلد القطط) نو نو .

الوالى : أنا عايز أخلص تارى منهم .. أنا الوالى متولى لازم يعرف مين الوالى متولى .

زعتري	: طرز .
الوالى	: بتقول ايه (لفسان) طرز .
غسان	: ما قلتش حاجه ؟ والله ما قلت حاجه .
الوالى	: (للقاضى) سمعت إللى سمعته .. طرز .
القاضى	: سمعت حاجه زى طرز .. بس شامم ريحة مريم .
غسان	: شامم ريحة مريم بنت قسام .
القاضى	: أيوه مريم بنت قسام هنا .
غسان	: هنا فين ؟
القاضى	: (يشم مثل الكلب حتى يصل لصندوق الزبالة) هنا .
غسان	: (يضحك وهو خائف) دا صندوق زباله فيه جتت وأيد ورجول العسكر إللى ماتوا .
القاضى	: يا لطيف (يبتعد .. تضحك مريم) .
القاضى	: ضحكة مريم .. سحقتها .
الوالى	: أيوه دى ضحكة مريم .. سمعتها .
القاضى	: مريم يا حبة القلب .. يا روح فؤادى وهوأى .. مريم يا مريم .
غسان	: ضحكة إيه .. حد قادر يضحك فى دشق لما أدخل أعمل لكم شأى .
الوالى	: إستنى عندك أنا ح أفتش البستان بنفسى صوت زعتري قال طرز وضحكة مريم .. أنا ح أفتش أنا والقاضى الطاهر إنت بتشتغل مع إللى يدفع أكثر يا غسان يا بخيل يا عميل .
القاضى	: أدخل إنت وأنا ح أقف هنا علشان ما حدش يهرب منك لو طلعا
	ح أمسكهم .
الوالى	: دا كلام مضبوط .. ياللا قدامى يا غسان (يدخل غسان ومعه الوالى) (يظل على المسرح القاضى بمفرده) .
القاضى	: آه لو شفتك يا سعد أدبحك وأطلق مريم وأتجوزها (تتحرك الصناديق بالزباله فيفرع القاضى) .
سعد	: (يخرج من صندوق الزباله) مش حتقدر تتجوزها يا قاضى ..

- ومش حاطلقها اشهد أن لا إله إلا الله واشهد أن محمد رسول الله .
- القاضى : مين سعد ؟
- سعد : إخرس .
- القاضى : إنت حى « يفتح صندوق الزبالة الآخر تخرج مريم » حاقتك واتجوزها أرمل .
- مريم : مش حتقدر تتجوزنى ؟
- القاضى : مريم .. مريم ابوكى إتهزم وهرب وأنا عايز أتجوزك على سنة الله ورسوله .
- قسام : (يخرج قسام) جالك الموت يا خاين خنتنى .. يا قاضى إنت والتجار والوالى بعتم جوابات للعزیز الفاطمى وعملت مؤامرات .
- قسام : بعتونى وأنا منكم يا اندال .. دا أنا شامى زيكم .. منكم .. رحتم للعزیز الفاطمى وبعتونى .. وفتحتموا ثغرة فى البلاد بالمال والرشوة وبعتموا دمشق الحزينة وبعتونى .. آه يا دمشق باعوكى الكبار والزباليين حموكى .
- القاضى : أنا فى عرضك يا قسام ما تقتلنیش .
- قسام : إذا ما قتلتكش حتقتلنى .
- القاضى : أنا اقتلك ليه دا العزیز الفاطمى إلی عايز يقتلك .
- قسام : وأنت مش عايز تقتلنى .. مش عايز تسلمنى وتقبض خمسين ألف دينار ذهب فاطمى .
- القاضى : أنا عايز أتجوز مريمم وبس .
- سعد : أه يا قليل الأدب تتجوز واحده ست متجوزة يا راجل يا أبو عين زايغة يا ناقص .
- القاضى : يا سعد إنت قدامك ألف واحدة وسنك صغير ممكن تتجوز غيرها أما أنا بحبها .
- سعد : أنا حادبك علشان تبطل تتكلم عن مراتى .
- القاضى : أرجوك لا أنا بأحب الحياه .. بحب الدنيا .

قسم	: انا إلى ح اقلته لأنه خاني وخان البلد .
القاضي	: الخونه في كل مكان حتى غسان خان .
وليد	: (يخرج من الصندوق) انا إلى حاقلته يا أمه .
القاضي	: ما إنت قتلتني وإتجوزت ليلي .. عايز تقتلني ثاني .
ليلى	: (تخرج) انا إتجوزته بمزاجي سامع بمزاجي .
ليلى	: (صوت من بعيد (ضوضاء) يدخلون صناديق الزبالة) .
قسام	: صوت من بعيد .. كله يستخبي .. تعرف لو إتكلمت حاقلتك وأسلم نفسي .
مريم	: أوعى تنطق ولا تتكلم .
القاضي	: حاضر يا ست مريم (يقترب منه جندى ١)
جندى ١	: أنت كنت بتكلم نفسك ولا إيه ؟
القاضي	: ليه هو انا إتجننت انا كنت باكلم قسام التراب وزعتر .
جندى ١	: هم فين ؟
القاضي	: فى صناديق الزبالة .
جندى ١	: إنت تقلت فى الشراب والا إيه ؟
القاضي	: أقبض عليهم فى صناديق الزبالة .. صدقنى .
جندى ١	: هنا (يشير إلى صندوق زعتر يخرج فردة حذائه للجندى) .
	دى جزمة .
القاضي	: مش ممكن .. مش ممكن .. بقولك هنا فى صناديق الزبالة .. موتهم أسجنهم .. بس مريم فوتوها لى هى والبنت ليلى خدوا زييده معاكم .
جندى ١	: عن إذتك يا قاضى .. روح نام احسن الدنيا برد .. الراجل بيخرف قال زييده وقسام وعياله فى صناديق الزبالة .
	(يسير الجندى .. يخرج من الصندوق زعتر) ح أفرجك .
القاضي	: الحقنى يا عسكرى يا عسكرى .
جندى	: (يعود الجندى) إيه يا قاضى .
القاضي	: أقبض عليه فى الحال .

جندى ١ : مين ؟
القاضى : زعتر .
جندى ١ : فين ؟
القاضى : فى صندوق الزباله دا .
جندى : (يذهب ويفتح الصندوق تمتد يد زعتر بفردة الحذاء الآخر) آه .
القاضى : يا ناس ح اتجنن .
جندى ١ : انت بتحلم وسكران يا قاضى القضاء عفوا فى الكلام (يخرج) .
زبيدة : (تخرج زبيده وتمسك فى يدها فردة الحذاء) انا بقى إالى ح
أريبك مش الرجال (تضربه وتجرى أمامها تقع عمامته وعصاه
ويدخل البستان) . (تعود زبيده إلى صندوق الزباله) (يخرج من
البستان الوالى وعم غسان)
الوالى : انا متأكد أن البستان مفهوش حد .. يا قاضى يا قاضى (لا يجد
القاضى) فين القاضى .. القاضى إختفى .
غسان : لازم روح بيتهم الدنيا برد يا والى .
الوالى : دى عمامته ودى عصايته .. ييقى هنا .
غسان : صحيح دى عمامته ودى عصايته .
الوالى : ييقى إتخطف .
غسان : إتخطف !!
الوالى : العمامة عمامته والعصايا عصايته فى اتجاه البستان ييقى دخل البستان
غسان : طيب ادخل دورة الميه .
الوالى : أدخل انت ح افضل هنا ح أجيب الجنود وانت طلعه أحسن لك
يا غسان .
غسان : اطلعة منين بس ؟
الوالى : يقولك طلعة من البستان فى الحال .. ياجنود ياجنود .
غسان : أنا داخل أهه (يدخل البستان) .
الوالى : القاضى اتخطف ياجنود ... خطفة قسام التراب .. (لا أحد يريد .. يخرج)

قسام	: أنا ماخطفتهموش (يخرج قسام)
الوالى	: تبقى قتلتة (يتحدث بحسن نيه)
قسام	: ولا قتلتة (يعود يجد قسام أمامة) .
الوالى	: الله عمى قسام انت حتى ؟ (يزيناك الوالى)
قسام	: ايوة حتى ...يازعتى .
الوالى	: زعتى هنا ؟
زعتى	: (ايوة جاى) (يخرج من الصندوق) نعم يا عم قسام .
الوالى	: وعم زعتى كمان هنا ؟
ليلي	: (تخرج) يا عمى الحل ايه حتفضل على الحال دا .
وليد	: (يخرج) ايوة يا ابيه تقطع رقبة الوالى والقاضى .
الوالى	: فى عرضكم .. ها ..ها انتم مستخبين فى صناديق الزبالة .
زبيدة	: (تخرج) كتك نيطة مش عجيبك الزبالة .
الوالى	: عمتى زبيدة كمان هنا .
سعد	: (يخرج) وانا كمان يا طويل اللسان .
الوالى	: عمى سعد .
سعد	: اعمل فيه ايه ؟
قسام	: اسمع يا وليد .. البس هدوم الوالى وارفع علم العزيز الفاطمى معاك واطلع برة البلاد روح لينغداد وخذ مراتك معاك .
وليد	: وانت يا ابيه وامى حتعملوا ايه ؟
قسام	: خذ أمك معاك .
زبيدة	: لا يمكن أسيبك لوحدهك .
قسام	: خذ أمك معاك .. اسمع الكلام .
وليد	: يا ابيه .. اسمعنى .
قسام	: اسمع الكلام .. اقلع هدومك يا متولى .
الوالى	: بلاش حكاية الهدوم دى وأروح أجيب له هدوم من بيتى فى الحال .
قسام	: بقولك ايه .. اسمع الكلام .

زعتري : ح تقلع الهدوم والا تقطع رقبتك ؟
الوالى : قلعتم هدموى .. آه .
(يخلع ملابسها ويخلع وليد ملابسها ويتبادلان الملابس)
وليد : كده يا أبه .
قسام : شكلك فى الهدوم النظيفة حلو .
ليلي : وأنا يا عمى ح أسيبكم إزاي .
زبيدة : روحى مع جوزك وخلي بالك من جوزك وأبقى سمى الواد قسام التراب
ولوجبتى بنت سميتها زبيدة .
ليلي : مع السلامة يا اخويا .
زعتري : مع السلامة يا ليلي .
قسام : يلا مش وقت السلامة .
زعتري : مع السلامة يا ليلي .
قسام : يلا مش وقت السلامة .
وليد : أشوف وشكم بخير .
ليلي : مع السلامة (يخرجان) .
(صوت ضوضاء)
(يدخلان فى الصناديق) (ما عدا الوالى بملابسة الداخلية)
جندى ٢ : إيه دا ... أنت مين ؟
الوالى : أنا الوالى متولى .
جندى ٢ : معقولة الكلام دا ... أنت الوالى ؟
ابن الصمصامة : يدخل « إيه دا فيه إيه ... آه .
جندى ٢ : الراجل دا .
ابن الصمصامة : أنت مين ؟
الوالى : مولاي القائد الكبير ابن الصمصامة .
ابن الصمصامة : الصوت أعرفه .
الوالى : أنا الوالى متولى .

ابن الصمصامة : أه صحيح انت متولى .
الوالى : ايوه انا متولى .
ابن الصمصامة ولايس كدة لية ؟
الوالى : اصل اصلى عيان يامولاي . جات لى حمى مش طايق الهدوم اللى عليا .
ابن الصمصامة لا حول ولا قوة إلا بالله .
الوالى : استنذك يا مولاي .
ابن الصمصامة يا والى استنى لما نجيب لك طيب .
الوالى : لا انا حاروح البيت يا مولاي .
ابن الصمصامة انا ح وصلك بنفسى .
(يشير الى الصناديق)
الوالى : (هامسا) قسام التراب .
ابن الصمصامة الظاهر فعلا إن الحمى تيبك يا والى .
الوالى : فعلا انا تيبان ... بس احب اقولك قسام التراب مستخبي هنا هو وولادة .
ابن الصمصامة (يضحك) طيب طيب يلا بيينا ... يلا قدامى .
(يجذبة للخروج ... يخرج القاضى من البستان) .
القاضى : انت فين يا والى ؟
قسام : (يصفر) يخرج سعد وزعتر وزبيدة ومريم)
انا ايه اسمع يا قاضى .
القاضى : نعم .
قسام : اخلع هدومك واديهها لسعد .
القاضى : سعد ... لا... وهدومى ليه ؟ انا مش قالع هدومى .
مريم : اقلع هدومك يا قاضى .
القاضى : اول مرة تطلب منى طلب يامريم تقولى اخلع هدومك .. مش لما تتجوز الاول .
زبيدة : انت بتهزر يا راجل .
القاضى : اهزر ليه ؟.. اطلتى من سعد يا مريم الاول وانا اتجوزك واقلع

- هدومي .
- مريم : طيب أفلح هدومك الاول واديها لسعد .
- القاضي : وسعد حيطلتك لو خد هدومي .
- قسام : يلا يا قاضي أفلح هدومك .. وانت يا سعد بدل هدومك معاة .
- القاضي : ح أفلح أه .
- سعد : وانا أهه حالبس الهدوم .
- القاضي : الهدوم دي مليانة براغيث وقمل .
- سعد : أخرس .
- القاضي : مش ح البسها .
- سعد : أنت حر .
- القاضي : أنت اخدت هدومي طلق مريم بقي .
- سعد : خد عيني واديني مريم .
- مريم : ياراجل عيب دا انا قد ولادك .
- القاضي : العيب هو انا طالب ايدك على سنة الله ورسوله .
- قسام : يلا يا سعد .. خد مريم وروح بلاد القراميط .
- القاضي : القرامطة .
- قسام : أيوة ... ولما يعرفوا انك جوز بنتي حيرحبوا بيك .
- مريم : انا يالأة ماسييكش .
- زبيدة : أسمعى كلام أبوكى .
- سعد : انا مش ممكن أسبيك يا عم قسام .
- قسام : بقولك أية ياواد .. لو جيت واد سمية قسام التراب .
- زبيدة : ولو جيت بنت سميتها زبيدة .
- القاضي : حتسبيني لوحدى هنا ؟
- زبيدة : حتسبيك للذكريات .
- مريم : مع السلامة يامه .
- زبيدة : مع السلامة يامريم .

مريم : مع السلامة يالاه .
 قسام : مع السلامة يابنتى .
 القاضى : مع السلامة يا حبيبى .
 سعد : مع السلامة يا عمى .
 قسام : مع السلامة ياسعد خلى بالك من مريم .
 (يخرجان سعد ومريم) > صوت ضوضاء يختفون .. قسام وزبيدة
 وزعتر > (يبقى القاضى بمفرده) > يدخل ابن الصمصامة ينظر يجد
 القاضى بملايسة الداخلية >
 ابن الصمصامة انت مين ؟
 القاضى : أنا القاضى .
 ابن الصمصامة القاضى ... ايه ايه اللى عمل فيك كدة ؟
 القاضى : مريم .
 ابن الصمصامة مريم .. مين ؟
 القاضى : ايوه مريم بنت قسام التراب .
 ابن الصمصامة مريم بنت قسام التراب .. حلوة .
 القاضى : قوى
 ابن الصمصامة وهى فين ؟
 القاضى : مشيت .
 ابن الصمصامة فين ؟
 القاضى : راحت بلاد القرامطة .
 ابن الصمصامة (يضحك) وهدومك فين ؟
 القاضى : خدهم سعد .
 ابن الصمصامة سعد مين ؟
 القاضى : جوز مريم .
 ابن الصمصامة هى مريم متجوزة ؟
 القاضى : للأسف وقتل لأبوها طلقها رفض ..انا فى نار لما اشوفها جسمى كلة

يولع نار .

ابن الصمصامة هي الحمى منتشرة في بلدكم من امتى ولانى واشمعى جسمكم بيولع نار .

القاضى : انا يولع نار لما يشوفها .

ابن الصمصامة تسمح لى اوصلك لحد الدار .

القاضى : طيب .. الحقها وهاتها قبل ما توصل الحدود .

ابن الصمصامة حاضر .. حاضر .

القاضى : طيب كلم لى قسام التراب .

ابن الصمصامة هو فين ؟

القاضى : هنا (يشير إلى صندوق القمامة)

ابن الصمصامة انت متأكد ؟

القاضى : ايوه متأكد .

غسان : (يظهر غسان) اهلا بقاندنا الهمام .

القاضى : قوله يا غسان .

غسان : اهلا بقاضى القضاة .

القاضى : قوله يا غسان .

غسان : اقلوله ايه ؟

القاضى : قوله ان قسام مستخبي فى الصندوق .

غسان : (يرتبك ويضحك) معقولة قسام مستخبي فى صندوق الزبالة .

ابن الصمصامة (يجذب غسان بعيدا) هو فية ايه .. ماله القاضى .

غسان : اصله عقلة ساعات بيهوى منة يقلع كدة زى ما انت شايف .

ابن الصمصامة والوالى .

غسان : نفس الشيء .. مرض .. مرض عقلى .

ابن الصمصامة طيب ربنا يشفى .

غسان : امين .

ابن الصمصامة ياللا بينا يا قاضى (اثناء حديث القائد ابن الصمصامة مع القاضى

قسام يخرج ويضرب القاضي على رأسه ويختفى)
ابن الصمصامة القاضي وقع على الأرض ياجنود .. (يدخل بعض الجنود) .
ابن الصمصامة دخلة البستان .
غسان : شكراً يا مولاي وديه داره احسن .
ابن الصمصامة ودوة لدارة وانا جاى معاكم (يخرج خلفهم) .
قسام : (يخرج ويصفر ... تخرج زوجة ويخرج زعتر)
غسان : الحمد لله .
قسام : ادى هدومك ياعم غسان لزعتر .
زعتر : انا لا .
غسان : خد يا زعتر هدومي .
زعتر : اروح فين يا معلمى من غيرك ؟
غسان : تروح اى مكان .
زعتر : طول عمرنا يا معلمى ننصف الشوارع ونضفنا الناس وتسلينا بلاويهم ما
أقدرش أفوتك لو فتك اموت زى السمك لوطلع من المية يموت .
زبيدة : يازعتر جايك .
زعتر : جايك ايه ... نموت ... نموت سوا... انا لا حيلتى عيل ولا تيل .
صوت المنادى: يا اهل دمشق الفيحاء خمسين الف دينار لاي انسان يقبض على قسام
التراب .
قسام : انا بساوى خمسين الف دينار ... دا انا كنت بكسب دينار فى الشهر ...
قد كدة انا غالى عند العزيز الفاطمى .
غسان : ادخل مدد جسمك وكل ونام يا قسام .
قسام : لا ياعم غسان انت لاح تقدر ولا ولادك ولاحد حيقد رينام .
غسان : بتقول ايه يا قسام ؟
قسام : نادى المنادى ياعم قسام .
غسان : بتقول ايه يا قسام ياملك الشام ؟
زبيدة : ياملك الرجال .

زعتري	: يا فارس كل زمان .
قسام	: سبع سنين يا زبيدة .. سبع سنين حكمنا الشام جالنا الملوك والفرسان جالنا السفراء والأعيان .. حكمنا الشام .. نضفنا الشوارع وحمينا الجدران سبع سنين يا غسان جالي آلاف آلاف الجدران سبع سنين يا غسان آلاف آلاف الدنانير ما خلناش في الشام فقير .. كان الحب مالي بيتنا ومالي الشوارع : والعلم مكنسة وقفة .. سبع سنين يا زعتري حرب مع الحدود جنود العزيز الفاطمي وناس اتولدت وناس اتقتلت وناس تنجرح وناس تندبح زهقت تعبتي وفي النهاية هربان في صفيحة زباله البستان .. لاني مانستش إني زبال والزباله اللي حمتني ... نادى على الجنود ياعم غسان وسلمني وأقبض الخمسين الف دينار ووزعهم على أهالي الناس اللي حاربت معايا وأنجرت معايا ... واعمل وطني ولو مرة .
غسان	: يتقول ايه يا قسام انا أسلمك و يايدى .
قسام	: انت حتسلمني وتستلم خمسين الف دينار فية ناس محتاجة دلوقت لدينار وانا مش ح افضل طول عمري هربان .
زبيدة	: اسمع الكلام ياعم غسان .
قسام	: هات جبل يا زعتري .
زعتري	: حاضر (يخرج جبل من وسطه)
قسام	: خد ياعم غسان اربطنا انا وزبيدة وزعتري ونادى جنود ابن الصمصامة .
غسان	: مش معقول يا قسام ؟
قسام	: اسمع الكلام يا غسان .
غسان	: مش قادر
قسام	: اربطني يا زعتري انا وزبيدة .
زعتري	: بس .
قسام	: اربطني يا زعتري انا وزبيدة .
زعتري	: حاضر (يلف الحبل حول قسام وزبيدة)
قسام	: اربط زعتري بقى يا غسان .

غسان : أنا ماقدرش اربطه حيسالونى ربطهم هم الثلاثة إزاي ح اقولهم ايه أنا وزعتر .

قسام : دا صح ... خلى زعتر معاك .

زعتر : أنا عايز اروح معاك مطرح ماطروح .

قسام : اسمع ياغسان إحنا حنعمل إننا نايمين وكتف زعتر معانا وقولة إنك سقيتنا بنج وإحنا نايمين .

زعتر : الله يخليك يامعلمى .

غسان : تعالى يازعتر لما اكتفك

زعتر : (يكتفة) كتفنى قوام .

غسان : اعملو نايمين (ينامون)

غسان : اشوف وشك بخير ياقسام

(ينادى) ياعسكر ياجنود .. قبضت على قسام التراب .. قبضت على قسام التراب . (يدخل الجنود وابن الصمصامة)

ابن الصمصامة ايه دا مش معقول قسام التراب

غسان : جالى وهددنى هو ومراته وصاحبة ... وعزمتهم واكلتهم وشربتهم وسقيتهم البنج وناموا كتفتهم .

ابن الصمصامة دا صغير مش كبير .

غسان : دا عيل ٣٦ سنة وبس

ابن الصمصامة أنت هايل ياغسان ... لك مكافأة خمسين ألف دينار .

غسان : حتودية فين ... حتقتلة

ابن الصمصامة العزيز الفاطمى عايزة حى .. عايز يشوفة .. أما مراته وصاحبة دول مش عايزهم .

زبيدة : مش عايزنا لية أنا مش ح أقدر أسيب جوزى .

ابن الصمصامة أنت صاحبة ولا نايمة

زبيدة : أيوة صاحبة .

زعتر : خدنى معاة والنبي ياعم .

ابن الصمصامة وانت صاحى يا قسام ؟

قسام : لا انا نايم .

ابن الصمصامة يا عساكر العزيز الفاطمى احملو على الاكتاف اول زبال فى التاريخ بقى
سلطان .. لسبع سنين وحكم الشام لقصر العزيز الفاطمى فى القاهرة .

(المشهد الأخير)

(يفتح الستار على العزيز الفاطمي وقد جلس على كرسية وقد وقف
أمامه ابن الصمصامة)

العزيز الفاطمي : مش معقول يا ابن الصمصامة مفيش دهب عند قسام التراب .

ابن الصمصامة : ولا عنده دهب ولا حرير ولا ماس .

العزيز الفاطمي : الله أمان عنده أيه ... وهرب فلوسة فين ؟

ابن الصمصامة : والله يامولاي حاجة تحير ... لامهرب فلوسة ولا عيش عيشة ملوك ...
لكن الناس كلها مبسوطه ومفيش وزراء ولأمراء ومفيش فقراء .

العزيز الفاطمي : جوز بنته ؟

ابن الصمصامة : قبضت عليه وهو بيهرب على حمارة ومعة قفة عيش وجينة وبصل

العزيز الفاطمي : بصل

ابن الصمصامة : أصله بياكل الجينة والبصل .

العزيز الفاطمي : جينة وبصل وهو قائد الشرطة .

ابن الصمصامة : مش فاهم الناس دول أيه حيوانات .. شهر يامولاي والحرب بينا
سجال مرة يهزم ومرة تنهزم والخسارة كانت كبيرة .

العزيز الفاطمي : خسائر في البشر والمال .

ابن الصمصامة : لكن المجد لنا يامولاي .

العزيز الفاطمي : والحواري .

ابن الصمصامة : ماعدوش ... عنده واحدة ست شبة الرجالة اسمها زبيدة

العزيز الفاطمي : أعوذ بالله .

ابن الصمصامة : كل يوم بيمر على الشوارع والحواري ويسال الناس عن أحوالهم

ويضحك معاهم ويأكل معاهم ويشرب معاهم ويحاسبهم .

العزيز الفاطمي : ظريف ظريف قسام التراب دا .

ابن الصمصامة : اة والله يامولاي .. ركبتة حمار ومشيتة في شوارع القاهرة لكن

الشيء الغريب كل زعران مصر طلعت تحيه وتصقف له .

العزیز الفاطمی : کمان فی مصر مشهور .
ابن الصمصامة : (یدخل ورقة من جیبة) تامر بقتلة وتعلیقة علی باب زویلة .
العزیز الفاطمی : لا یا ابن الصمصامة .
العزیز الفاطمی : ما اقدرش اقتلة احسن یبقى بطل فی عیون الناس .. عاش زبال
لازم یموت زبال ومش ملك .
ابن الصمصامة : والحل ؟
العزیز الفاطمی : حاكموه وحاسبوه مع المجرمین
القاضی : (یدخل مسرعا) الحقنی یامولای العزیز .
العزیز الفاطمی : مین دا ؟
ابن الصمصامة : دا قاضی الشام .. بس تعبان شویة جاتلة حمی قلت أجیبة معایا
تشوف له علاج .. لقیته هو والوالی جاتلهم حمی .
القاضی : انا مش عیان ولاتعبان یامولای .
العزیز الفاطمی : انا مش فاهم لیه اللى خلاك .
ابن الصمصامة : لا ... لازم تفهم لیه اللى خلاك عریان .
القاضی : قسام التراب ... لما استخفی فی صندوق الزبالة .
العزیز الفاطمی : (یضحك) استخفی فی صندوق الزبالة .
القاضی : اه .
ابن الصمصامة : یامولای دی تهیؤات .
الوالی : (یدخل جاریا) مولای ... إلحقنی ... ادونى هدومی .
العزیز الفاطمی : مین دا ؟
ابن الصمصامة : والی الشام السابق راخر تعبان .
الوالی : انا مش تعبان انا عریان وسقمان ... بردان .
العزیز الفاطمی : ادیلة هدومة حرام علیك یابن الصمصامة تسبهم عریانین
ابن الصمصامة : هدوم ... هدوم (یصفق)
الوالی : یا مولای ... قسام التراب كان فی صندوق الزبالة عند بستان غسان
العزیز الفاطمی : یحاکم قسام التراب امام العامة مع المجرمین امثلة .

- ابن الصمصامة : فض المجلس .
العزیز الفاطمی : (یرج) .
القاضی : (لابن الصمصامة) ممکن احاکم قسام التراب ؟
ابن الصمصامة : لا .
الوالی : طیب انا .
ابن الصمصامة : لا .
القاضی : طیب ممکن اقباله علشان عايز اسالة سؤال واحد بس ؟
ابن الصمصامة : تسال عن ايه ؟
القاضی : موضوع شخصی .
ابن الصمصامة : مفیش مواضیع شخصیة قولى الحقيقة ... قول .
القاضی : أسالة مريم راحت فین ؟
الوالی : (للقاضی) یاراجل بطل بطل بقى ... كفاية جواز وطلاق ..
(یرج ابن الصمصامة وخلفة الوالی والقاضی .. مع تحول الديكور إلى
سجن قسام التراب ومعة زوجة وزعتر ومجموعة من الزعران
والحرافیش) .
حرفوش ١ : واحدة فى سجن الرجال
زبيدة : اتنيل على عينك وأسكت
حرفوش ٢ : الله .. الله دى یاجدعان .
قسام : دى مراتى
زعتر : دى مرات ملك الرجال قسام التراب .
حرفوش ٣ : قسام التراب ملك الشام .
زعتر : ملك الرجال
حرفوش ١ : وهو هنا ؟
زبيدة : قدامك ايه .
حرفوش ٢ : الله .. امال مش باين علىة لبس الملوكوالامراء والمماليك
قسام : الهدوم بتخبى تحتها حاجات معفنة وممتنة وانت وبختك .

- حرفوش ٤ : ياسجن القلعة يارجال ملك الرجال قسام التراب هنا يامرجبا
المساجين : ياالف مرحب .. ياالف مرحب
السجان : آيه الدوشة دى ... آيه الزيتة دى .. فين المهيب الملعون قسام
التراب .
- حرفوش ١ : انا قسام التراب .
حرفوش ٢ : انا قسام التراب .
حرفوش ٣ : انا قسام التراب .
حرفوش ٤ : انا قسام التراب .
- « اصوات من خارج الزنازين »
انا قسام التراب . انا قسام التراب .
- قسام التراب : ماتصدقهوش يا سجان انا قسام التراب .
زعتري : انا قسام التراب .
زبيدة : انا قسام التراب .
السجان : والنبي آيه إنتى قسام التراب ياولية
السجان : يامساجين انتهى وقت الهزار .. فين قسام التراب ؟
قسام التراب : انا آهه .
السجان : اسمك آيه الحقيقى ؟
قسام : قسام ... واسم للشهرة قسام التراب .
السجان : انت متهم بالخروج عن الطاعة وحاربت العسكر الفاطميين وخرجت
عن ملوع مولانا العزيز الفاطمى الكلام دا صحيح
قسام : بالعربى الفصيح والصحيح الصحيح .. انا ملك الشام .. ولا
اتكلم مع سجان انا اتكلم مع العزيز الفاطمى .
العزيز الفاطمى : « يدخل » انا جيت لك يا قسام التراب .
قسام : اهلا يالملك العزيز .
العزيز الفاطمى : اهلا يا قسام شفت ازاي غبت ٧ سنين وجيت لى القاهرة .
قسام : القاهرة .. القاهرة ... وجمتوا دماغى بالقاهره العامرة الطافرة .

العزیز الفاطمی : ایوة القاهره العامرة .
قسام : كان نفسی أشوفها .
العزیز بالله : شفتها .
العزیز الفاطمی : وزعلت علشانها یا عزیز مصر یا فاطمی .
العزیز الفاطمی : مش قاهر زعلت علشانها ازای ؟
ابن الصمصامة : نقتله یامولای .
الوالی : ندبحة یامولای .
زبيدة : قطع رقبتك منك له .
زعتري : اقتلونى قبل منه .
حرفوش ١ : اقتلونى معاه .
حرفوش ٢ : اقتلونى معاه انا كمان .
حرفوش ٣ : وانا كمان .
العزیز الفاطمی : نقتله یاقاضی .
القاضی : بس نسالة الأول مريم فين یامولای ؟
زبيدة : انت هنا یا مقصوف الرقبه ؟
القاضی : انت عمتی زبيدة قولیلی مريم فين هی والولد سعد ؟
العزیز الفاطمی : هنا مريم وسعد وكل ولاد قسام التراب مالها القاهرة یاقسام .
زبيدة : قبضتم عليهم ؟
العزیز الفاطمی : جبناهم .. مالها القاهرة یاقسام ؟
الوالی : القاهرة الماسة الكبرى للعزیز الفاطمی .
القاضی : القاهرة درة قائدناالهمام جوهر الصقلی
الوالی : ایوه .
ابن الصمصامة : اوعك تقول ان الشام افضل لما كنت ملكها .
زبيدة : خللی الراجل يتكلم .
العزیز الفاطمی : اتكلم یا قسام .
قسام : القاهرة مليانة زباله الورق فی كل شوارع والزباله فی كل مكان انا

عملت العلم مقشة وقفة علشان كل واحد يشيل الزبالة خليت الشوارع
 انظف ما يكون .. القاهره عايزة خمسين ألف مكسة وتكنس لجل
 تنظف يامولاي .. القاهره عايزة زبالين .. مش عايزة حاجة ثانية .

العزیز الفاطمی : امرنا بالبقاء على حياة قسام التراب ويعيش فى مصر
 قسام : انا ما عرفش القصور .

العزیز الفاطمی : يعيش فى دار وينظف القاهرة ويبقى مسؤول على نظافة القاهرة
 زبيدة : « تزغرد » مبروك يا قسام .

العزیز الفاطمی : اة لولقيت زبالة فى دمشق والا الشام ياوالى الشام حاحطك فى
 خازوق وابعت لك قسام التراب (يضحك)

قسام : افرج لى يامولاي عن كل الزعران والحرافش فى القاهرة يساعدونى
 على تنظيفها .

العزیز الفاطمی : افرجنا عن كل الزعران والحرافيش ويبقوا تحت رعاية قسام التراب
 .. لتنظيف القاهرة .

(يتحول المسرح إلى اكوام الزبالة التى كانت فى المشهد الأول
 يجلس قسام وسعد وزعتر وزبيدة ومريم وليلى) .

قسام : شيلتو الزبالة من امبابة يا اولاد ؟
 سعد : شيلناها ياعم قسام .

قسام : والجيزة ؟
 زعتر : شيلناها .

مريم : ماسمعتش يا ابا صدر فرمان الضرايب الجديدة على سكان القاهرة .
 قسام : غلبة سكان القاهرة زى دمشق نازلين فيهم ضرايب .

وليد : وتفتكر الناس حتفضل ساكنة ؟
 قسام : الناس اللى بتسكت كتير بتبقى محتاجة قنديل .

(يظهر جنود العزیز الفاطمی يراقبون مايحدث ومايقال)

ليلى : ياعم قسام فية عيون حواليك وحوالينا .
 زبيدة : وطنى صوتك يا قسام .

قسام

: وطفى صوتك يا قسام وامحى اسمك من الوجود الخوف عيل ولدوه الرجالة
والكلمة الخائية الجبانة ياناس يا اهل القاهرة خلى بالكم مش
حتلاقوا اسمى فى التاريخ .. لكنى كنت حقيقى موجود فى التاريخ
وحكمت سبع سنين وبالعادل والميزان وكنت زبال (يمسك المكتسة)
وانا كنست شوارع الشام والقاهرة واتم معايا اكنسو من التاريخ اللى
ظلموكم واللى خانوكم واللى باعوكم واللى عزبوكم .. يااما تكنسوهم
يااما حيكنسوكم وحيكنسكم التاريخ .. وقدامكم حل من اتنين ياتعملو
تاريخ من غير زباله يا حيعملوكم زباله من غير تاريخ ويبقى على
الدنيا السلام .

ستار

تمت بحمد الله ١٩٩٢

. القاهرة . - ١٩٩١

الرؤيا الأولى

نبذة عن الكاتب وأعماله

من هو السيد حافظ :

- من مواليد ١٩٤٨ محافظة الاسكندرية جمهورية مصر العربية .
- خريج جامعة الاسكندرية قسم فلسفة واجتماع عام ١٩٧٣ / كلية التربية .
- دبلوم فى علم النفس والتربية عام ١٩٧٥ .
- مدير قطاع الدراما بالثقافة الجماهيرية بالاسكندرية من ١٩٧٤ / ١٩٧٦ .
- حاصل على الجائزة الاولى فى التأليف المسرحى بمصر عام ١٩٧٠ .
- حصل على جائزة احسن مؤلف لعمل مسرحى موجه للأطفال فى الكويت عن مسرحية "سندريلا" عام ١٩٧٣ .
- رئيس تحرير مجلة رؤيا والتي تصدر فى مصر (سابقا) .
- مدير مركز الوطن العربى للنشر والاعلام رؤيا لمدة خمس سنوات (سابقا) .
- محرر بجريدة السياسة الكويتية لمدة ٧ سنوات . (سابقا)
- كاتب وصحفى متفرغ حاليا .

صدر للمؤلف مطبوعات

- كبرياء التفاهة فى بلاد اللامعنى ١٩٧٠ كتابات معاصر .
- الطبول الخرساء فى الادوية الزرقاء ١٩٧١ سلسلة ادب الجماهير .
- سيمفونية الحب (مجموعة قصصية) ١٩٧١ ادب الجماهير .
- جيبتي انا مسافر (مسرحية) ١٩٧٩ ادب الجماهير .
- هم كما هو ولكنهم ليس هم الزعاليك (مسرحية) ١٩٨٠ الكويت .
- ظهور واختفاء ابو زر النفارى (مسرحية) ١٩٨١ الكويت .
- جيبتي اميرة السينما (مسرحية) ١٩٨٢ مركز الوطن العربى .
- حكاية الفلاح عبد المطيع (مسرحية) ١٩٨٢ الكويت .
- يا زمن الكلمة الكذب / الخوف / الموت ١٩٨٧ مركز الوطن العربى .
- ٦ رجال فى معتقل طبعة ثالثة ١٩٨٩ مركز الوطن العربى .
- سيمفونية الحب طبعة ثانية ١٩٩١ مركز رؤيا .
- كبرياء التفاهة فى بلاد اللامعنى طبعة ثانية ١٩٩١ مركز رؤيا .

- سيزيف القرن العشرين طبعة أولى ١٩٩١ مركز رؤيا .
- ٩ مسرحيات تجريبية ١٩٩٣ - على نفقته الخاصة .
- الأشجار تنحنى أحيانا
- الحاكم بأمر الله ١٩٩٣ - على نفقته الخاصة .

قدم لمسرح الطفل

- مسرحية سندريلا (الكويت - سلطنة عمان - البحرين) ١٩٨٣ اخراج/منصور المنصور
- مسرحية الشاطر حسن (الكويت - دبي - أبو ظبي) ١٩٨٣ اخراج / أحمد عبد الحليم
- مسرحية سندس (الكويت - البحرين - قطر) ١٩٨٥ اخراج / محمود الألفى .
- مسرحية على بابا (الكويت - دبي) ١٩٨٥ اخراج / أحمد عبد الحليم .
- مسرحية أولاد جحا (الكويت - البحرين) ١٩٨٦ اخراج / محمود الألفى .
- مسرحية حذاء سندريلا (الكويت - بغداد) ١٩٨٧ اخراج / دخیل الدخیل .
- مسرحية بيبي والعجوز (الكويت - بغداد) ١٩٨٨ اخراج / حسين مسلم .
- مسرحية فرسان بنى هلال (الكويت) ١٩٨٩ اخراج / محمد سالم .
- عتتر بن شداد (الكويت) ١٩٨٩ اخراج / أحمد عبد الحليم .
- مسرحية أولاد جحا (مصر) ١٩٨٩ اخراج / المؤلف .
- مسرحية سندس ١٩٨٩ اخراج / خمسة مخرجين .
- مسرحية حكاية لولو وكوكو ١٩٩٠ اخراج / المؤلف .
- مسرحية قميص السادة - القاهرة ١٩٩٣ اخراج / محمد عبد المعطى - فرقة تحت ١٨ / القطاوع الاستعراضى . بطوله
- وجدى المربى - عبدالرحمن أبو زهرة
- عائشة الكيلانى - علاء عوض .

قدم لمسرح الكبار

- مسرحية حكاية الفلاح عبد المطيع . فرقة بغداد ١٩٨٠ اخراج/د. سعدى يونس .
- حكاية الفلاح عبد المطيع . فرقة الشباب . الكويت ١٩٩٠ اخراج/عبد الله عبد الرسول .
- حكاية الفلاح عبد المطيع . اخراج/مجدى عبيد ١٩٩٣ بنى سوييف - مصر .
- مسرحية اشاعة /ديسمبر ١٩٩١ / مسرح الشباب اخراج فاروق زكى

- وبطولة سمير حسنى - سلوى عثمان - عثمان محمد على - محمود العراقى .
 - مسرحية حلاوة زمان / فبراير / ١٩٩٣ / اخراج / عبد الرحمن الشافعى .
 هيئة قصور الثقافة - مصر . بطولة : جمال اسماعيل - محمد متولى - أميرة سالم
 - لبنى الشيخ - عنان حمدي - موسيقى حمدي رؤوف - ديكور حسين العزبي -
 أشعار عزت عبدالوهاب .
 « قدمت أعماله في ١٩ محافظة من محافظات مصر »

المسلسلات التليفزيونية

- ١٥ حلقة « اخراج / كاظم القلاف .
 مبارك
 سهرة «الكويت» اخراج / عبد العزيز المنصور .
 العطاء
 سهرة «الكويت» اخراج / حسين الصالح .
 الحب الكبير
 سهرة ٣ أجزاء «الكويت» اخراج / يوسف حمودة .
 الغريب
 مسلسل ١٥ حلقة بطوله حياة الفهد - اخراج محمد
 صغيرات على الحياة
 السيد عيسى .

المسلسلات الاداعية

- ٩٠ حلقة / اذاعة قطر مدة الحلقة ١٥ ق .
 مسلسل البيت الكبير
 ٣٠ حلقة .
 البحرين / اذاعة
 مسلسل غرباء في الحياة
 ٣٠ حلقة
 الكويت
 مسلسل ٣٠ حلقة .
 ٩٠ حلقة برنامج كتاب خليجي اذاعة قطر .
 ٣٠ حلقة أغنية الأمة في كشف النمة - أعداد وسيناريو اذاعة قطر .

صحافة

- سينما
 فيلم جبل ناعم قيد التنفيذ . : - مراسل - مجلة الوطن العربى باريس
 فيلم رجل هذا الزمان قيد التنفيذ . : الثقافة العربية ليبيا - الفكر - الأردن
 فيلم لا مجال للحب قيد التنفيذ . : فنون - اليمن .
 فيلم وسام من الرئيس قيد التنفيذ . : رئيس القسم الفنى بمجلة صوت
 فيلم وحدي في البيت قيد التنفيذ . : الخليج لمدة عام ١٩٨٦ .
 - مراسل غير متفرغ الأهرام الدولي

مهرجانات وملتقيات ثقافية مسرحية

- مقرر ندوة التراث العربى والمسرح فى الكويت .
- مشارك فى مهرجان بغداد المسرحى .
- مشارك فى مهرجان قرطاج المسرحى .

دراسات مسرحية

قده عن أعماله المسرحية

- بحث رسالة الحكاية الشعبية فى مسرح الطفل فى الكويت - دراسة فى مسرح السيد حافظ للباحثة امال الغريب - المعهد العالى للفنون المسرحية ١٩٨٤ .
- بحث رسالة فى الشخصية التراثية وظليفتها الفنية والفكرية فى مسرح السيد حافظ - سميرة اوبلهى - مكناس المغرب ١٩٨٦ .
- بحث فى اللغة الشعرية فى مسرح السيد حافظ - موسكو - تحت اشراف المستشرق فلاديمير شاجال .
- اشكالية التاصيل فى المسرح العربى - صليحة حسنى - بحث - كلية الآداب والعلوم الانسانية - المغرب .
- الفلاح فى المسرح العربى ... نموذج حكاية للفلاح عبد المطيع - للسيد حافظ - خديجة فلاح - جامعة محمد الاول - المغرب .
- البطل الثورى فى مسرح السيد حافظ ... نموذج ظهور واختفاء ابو ذر النخارى - منصورية مباركى - جدة - المغرب .
- القضية الفلسطينية فى مسرح السيد حافظ .. نموذج ٦ رجال فى معتقل شنائف الحبيب - المغرب .
- مفهوم الارشادات المسرحية ومسألة التجريب فى المسرح العربى . السيد حافظ نموذجاً من خلال مسرحية "طفل وقوقع وقزح" . حقون حميد - المغرب . ١٩٩٢ .
- التجريب فى مسرح السيد حافظ الحانة الشاحبة العين تنظر الطفل العجوز الغاضب - نموذجاً ... عائشة عابد جامعة محمد الاول - ١٩٩١ .
- الشخصية التراثية الشعبية فى مسرح الطفل عن السيد ... نموذج على بابا - نزيهة بن طالب .

- مسرح الطفل عن السيد حافظ فاطمة حاجى - المغرب ١٩٩١ .
- التجريب والعبث فى المسرح العربى من خلال مسرحية سيزيف للسيد حافظ حليلة حقونى ١٩٩٣ .
- عنوان المؤلف ١٢ ش طارق يحى عبد الفنى - متفرع من ش الترسة - التعاون -
- الهرم - الجيزة - ج م ع - ت ٨٣٠٦٥٧ القاهرة - ت ٨٥٨٩٢٣ -
- ٤٩٠٤٩٤٧ أسكندرية .

*
**

الجمع الإلكتروني : المركز المصري للكمبيوتر

٦ ش شريف - التعاون القبلية - الهرم

**
*

رقم الايداع ٩٣/٥٠٦٢

I. S. B. N. 977-00-8855-2

عنوان المؤلف : ١٢ شارع طارق يحيى عبدالقنى - النصارى
الهرم - القاهرة ٢٨٤٨٦٥٧ - تالاسكفيرة ٨٤٧٨٤

١٤٣١ هـ - ١٤٣٢ هـ - ١٤٣٣ هـ - ١٤٣٤ هـ - ١٤٣٥ هـ
١٤٣٦ هـ - ١٤٣٧ هـ - ١٤٣٨ هـ - ١٤٣٩ هـ - ١٤٤٠ هـ
١٤٤١ هـ - ١٤٤٢ هـ - ١٤٤٣ هـ - ١٤٤٤ هـ - ١٤٤٥ هـ
١٤٤٦ هـ - ١٤٤٧ هـ - ١٤٤٨ هـ - ١٤٤٩ هـ - ١٤٥٠ هـ

مركز الدلتا للطباعة
٢٤ شارع الدلتا - اسبورتنج
تليفون : ٥٩٥١٩٢٣

*
**

الجمع الإلكتروني : المركز المصري للكمبيوتر

٦ ش شريف - التعاون القبلية - الهرم

**
*

رقم الايداع ٩٣/٥٠٦١
I. S. B. N. 977-00-8855-2

عنوان المؤلف: ١٢ شارع طالق يحيى عبدالقنن - القاهرة
الهاتف: ٨٤٧٣٩٤ - تالاسكندرية ٢٨٦٨١٥٧ - تالقاهرة ٨٤٧٣٩٤

تأليف: د. محمد عبدالمجيد
مراجعة: د. محمد عبدالمجيد
الطبعة الأولى: ١٩٩٢
الطبعة الثانية: ١٩٩٣

مركز الدلتا للطباعة
٢٤ شارع الدلتا - اسبورتنج
تليفون: ٥٩٥١٩٢٣